

2010 Aotlaen blong Sering Taem

Mi Save Sevyia blong Mi I Laef

*“Be mi mi save we God i stap long heven. Mo biae, hem bambae i kam,
i tok long saed blong mi blong talemaot we mi mi stret” (Job 19:25).*





Ol Instraksen blong Sering Taem mo Sakramen Miting Presentesen blong Ol Pikinini

Ol Dia Presidensi blong Praemer i mo Ol Miusik Lida,

Long yia ia, yufala i gat janis blong helpem ol pikinini blong oli filim mo andastanem bigfala lav we Sevyia blong yumi, Jisas Kraes, i gat blong olgeta. Tru long witnes blong Tabu Spirit, ol pikinini bae oli lanem se from Jisas Kraes hem i stamba rol long plan blong Papa long Heven, olgeta oli save gat fet long Hem. Ol pikinini bae oli lanem tu se fet blong olgeta i save gro antap moa taem oli stap kipim olgeta komanmen, oli givim seves, oli serem gospel, oli folem eksampol blong Sevyia, mo taem oli rere from Seken Kaming blong Hem.

Tangkyu long fetful komitmen blong yufala. Mifala i stap prea from yufala, mo mifala i gat tras long paoa blong yufala blong lavem ol pikinini mo blong tijim olgeta abaot gospel blong Jisas Kraes, mo givhan long olgeta blong oli laef folem ol prinsipol blong gospel ia.

Praemer i Jeneral Presidensi

Smol Tingting: Taem yu invaetem ol pikinini blong lanem samting aot long olgeta skripja, hemia bae i helpem olgeta blong developem wan lav long tok blong God long ful laef blong olgeta. Mekem plan evri wik blong invaetem ol pikinini blong yusum mo lanem samting aot long skripja blong olgeta. Sam narafala pikinini bambae oli no save rid yet. Ol aktiviti blong lanem samting insaed long aotlaen ia mo ol tingting blong tij long ol pej 7, 12, mo 18 bambae oli givim yu ol aedia long olsem wanem blong tij wetem olgeta skripja.

Ol Instraksen blong Sering Taem

Instraksen blong Gospel

Yusum buklet ia taem yu stap rere blong tijim wan lesen blong 15 minit evri wik long taem blong sering taem. Yu save tekem ol narafala samting blong givhan long lesen, be oli mas ol samting we Jos i givim raket blong yusum olsem, *Friend o Liahona*. Ol gaedlaen we oli kam afta bambae i helpem yu blong mekem plan mo presentem ol lesen.

Lavem Olgeta we Yu stap Tijim Olgeta. Soem lav blong yu long ol pikinini taem yu lanem nem blong olgeta mo yu save abaot ol intres, talen, mo nid blong olgeta.

Tijim Doktrin Wetem Spirit. Taem yu stap rere long ol lesen, prea blong Spirit i givhan long yu mo traehad blong mekem testimoni long ol prinsipol we bae yu tijim i kam strong moa. Hemia bae i helpem yu blong tij wetem Spirit.

Invaetem Wan Fasin blong Lanem Samting Wetem Ful Tingting mo Hadwok. Buklet ia, oli mekem blong i givhan long yu blong helpem yu blong yu save wanem blong tijim, be tu, hem i helpem yu blong save olsem wanem blong tij mo invaetem wan fasin blong lanem samting wetem ful tingting mo hadwok. Bae yu save tijim doktrin long wan wei we i moa gud taem yu stap mekem ol tri samting ia long evri lesen:

1. **Faenemaot doktrin.** Long stat, talemaot klia long ol pikinini wanem doktrin bambae oli lanem. Yu save mekem hemia tru long toktok o wetem ol pikja. (Blong gat sam eksampol, luk long ol lesen blong fas wik blong manis Maj mo fas wik blong manis Julae.)

2. **Leftemap fasin ia blong andastanem samting.** Mekemsua se ol pikinini oli andastanem gud doktrin ia taem yu yusum ol defren wei blong tij we bae i pusum olgeta blong lanem samting. Sam long ol wei ia i blong singim ol singsing, mekem rol plei, mo ridim olgeta skripja.
3. **Leftemap tingting blong go yusum.** Givim sam janis long ol pikinini blong oli yusum doktrin ia long laef blong olgeta. Tingting long wan wei we oli save talemaot filing blong olgeta abaot doktrin ia, o setem wan gol we i go wetem doktrin ia.

Buklet ia i givim ol ful lesen blong sam wik nomo blong yia ia. Blong ol narafala wik, i gat ol aedia nomo, be i no gat wan ful lesen. Yu mas komplitim ol aedia ia wetem sam aedia blong yuwan. Yu save tekem sam aedia taem yu ridim ol narafala lesen long buklet ia. Taem i gat wan nambafaf Sandei, yusum taem ia blong luklukbak long ol lesen we oli pas finis. Spirit i save lidim yu taem yu stap mekem plan mo stap rere long ol aktiviti blong ol lesen ia.

Wok wetem miusik lida taem yu stap rere long ol lesen blong yu. Singim ol singsing we bae i givhan long ol doktrin we yu stap tijim. Wanwan taem, yu save invaetem ol tija mo klas blong olgeta blong helpem yu wetem sam pat blong instraksen blong gospel.

Sam lesen i givim tingting blong invaetem sam spesel spika blong tekempat long Praemer i. Yu mas kasem raket blong bisop o branj presiden blong yu bifo yu invaetem olgeta spika ia blong tekempat long klas.


Wetem ol lesen ia, i gat sam smol aedia blong tij we bae i helpem skil blong yu blong save tij. Ol lesen ia oli tekem olgeta pikja we bae i helpem yu blong luk se wan aktiviti i go olsem wanem. Nomata i impoten blong developem ol skil blong tij, olsem wanem nao yuwan yu stap rere long saed blong spirit mo testimoni blong yu oli ol samting we bae i invaetem Spirit blong konfemem olgeta doktrin ia insaed long ol hat blong olgeta pikinini.

Taem blong Singsing

Musik insaed long Praemer i sud mekem ples i revren, i tijim gospel, mo i sud givhan long ol

pikinini blong filim givhan blong Tabu Spirit mo glad we i kam tru long singsing. Yu sud spendem 20 minit blong tijim musik long sering taem. Hemia bae i mekem se yu gat inaf taem blong tijim ol niufala musik mo bae i givhan long ol pikinini blong stap glad blong singsing.

Buklet ia i gat wan niu singsing blong ol pikinini oli lanem long yia ia (luk long ol pej 28–29). Hem i gat wan seksen we oli singaotem “Olsem Wanem blong Yuseum Musik long Praemer i” (luk long ol pej 26–27) mo tu, i gat sam moa aedia blong olsem wanem blong tijim ol singsing long ol pikinini (luk long ol pej 3, 5, 9, mo 15).



Ol Gaedlaen blong Sakramen Miting Presentesen

Anda long daereksen blong bisop o branj presiden, i gat wan sakramen miting presentesen blong ol pikinini we i tekem ples long nambafo kwata blong yia. Mit wetem kaonsela long bisoprik o long branj presidensi we i stap lukaotem ol wok blong Praemer i eli long yia blong toktok raon long ol fas plan blong miting. Taem ol plan oli komplit, kasem apruvol o raet blong hem blong gohed wetem ol plan ia.

Mekem plan blong ol pikinini oli presentem program ia folem ol stamba toktok blong sering taem blong wanwan manis. Truaot long yia, tekem not long ol toktok mo ol eksperiens blong wanwan pikinini blong luk sapos yu save yuseum insaed

long presentesen. Taem yu stap mekem plan blong ol pikinini oli serem wanem we oli bin lanem long stamba toktok blong yia ia, tingbaot sam wei we oli save givhan long kongregesen blong tingting nomo long ol doktrin blong gospel we oli stap tijim.

Taem yu stap rere long presentesen, tingbaot ol gaedlaen ia:

- Ol taem blong praktis i no sud tekemaot taem blong ol pikinini long ol klas o wetem famle sapos i no gat nid from.
- Ol pikja, yunifom o dresap, mo ol media presentesen oli no stret blong yuseum long taem blong sakramen miting.



Smol Tingting: Yu save faenem moa tijing risos olsem ol pej blong kala, ol stori, mo ol aktiviti long magasin ia Friend mo insaed long Liahona. Yuseum ol risos ia blong komplitim ol lesen blong yu.



Ol Sakramen Miting Presentesen

Hem i no nid blong givim wan toktok we pikinini i mas lanem baehat long evri pikinini. Wan gudfala presentesen i yuseum evri pikinini long ol defren wei.

Ol Risos we Oli Yuseum Insaed long Buklet Ia

Oli yuseum ol sot toktok ia long ful buklet:

STSP Singing Tabu mo Singing blong Ol Pikinini

TNGC Teaching, No Greater Call

Plante lesen i givim tingting blong yuseum ol pikja. Yu save yuseum ol pikja ia insaed long Gospel Art Buk, Gospel Art Pikja Kit, ol pikja paket blong ol Praemer i lesenbuk, mo ol magasin blong Jos mo tu long Intanet long images.lds.org.

Kurikulum blong Yia 2010

Jeneral Kurikulum

Neseri: *Behold Your Little Ones*; Sunbeams: Primary 1; JR 4–7: Praemer i 2; Valien 8–11: Praemer i 6

Besik Kurikulum

Sunbeams: Primary 1; JR 4–7: Praemer i 2; Valien 8–11: Praemer i 4

Singsing: “I Tru, Sevy I Lavem Mi”

(ol pej 28–29 blong aotlaen ia o Friend, Okt. 2002, 46–47)

Smol Tingting: Prea blong Spirit i givhan mo i lidim tingting blong yu taem yu stap rere long ol sering taem. Taem yu stap rere mo tij wetem Spirit, bae Hem i konfemen se ol samting we yu stap tijim oli tru.

Smol Tingting: Mekem plan blong sam wei blong faenem doktrin mo talem long ol pikinini, mo afta helpem olgeta blong andastanem doktrin ia mo yusum doktrin ia long laef blong olgeta. Tingting long olsem wanem yu save givim sam janis long ol pikinini blong oli:

- Toktok raon long doktrin.
- Ridim ol skripja we i tokbaot doktrin ia.
- Gat wan pikja abaot doktrin ia.
- Singim ol singsing abaot doktrin ia.
- Mekem wan aktiviti we i go wetem doktrin ia.

Ol Lesen we Oli Yusum Samting long Hem

“Ol lesen we oli yusum samting long hem oli save tijim ol prinsipol we oli tru i stap be i had blong andastanem wetem ol samting we man i save luk oltaem” (TNGC, 164). Lesen ia bae i helpem ol pikinini blong andastanem wanem nao stret hem i spirit blong olgeta mo wanem nao stret hem i bodi blong olgeta blong wol ia.

Mifala i biliv long God Papa we I No Save Finis mo long Pikinini blong Hem, Jisas Kraes

“Mifala i biliv long God Papa we I No Save Finis mo long Pikinini blong Hem, Jisas Kraes, mo long Tabu Spirit” (Ol Toktok blong Bilif 1:1).

Ademap sam tingting blong yu long ol tingting we oli givim long ples ia. Mekem plan long sam wei blong ol pikinini oli faenem doktrin mo helpem olgeta blong andastanem doktrin ia mo olsem wanem blong yusum doktrin ia long laef blong olgeta. Askem yuwan, “Wanem nao bae ol pikinini oli lanem, mo olsem wanem mi save helpem olgeta blong oli filim Spirit?”

Wik 1: God i Papa blong spirit blong mi.

Faenem doktrin (luk long wan lesen we yu yusum wan samting long hem): Soem long ol pikinini plante defren hanglav mo poenemaot se wanwan long ol hanglav ia, yumi luk olgeta se oli defdefren, semmak olsem we wanwan long yumi, yumi luk defdefren long wanwan long yumi. Eksplenem se nomata hamas nao yumi luk se yumi defren, yumi evriwan i gat wan spirit insaed long bodi blong yumi, mo spirit blong yumi i givim laef long yumi. Blong soemaot hemia, putum hanglav mo muvmuvum ol fingga blong yu. Eksplenem se hanglav ia i semmak olsem bodi blong yumi mo han i semmak long spirit blong yumi. Mekem ol pikinini oli lisen long ansa blong kwestin ia “Huia i Papa blong spirit blong mi?” Afta ridim tufala fas sentens blong Malakae 2:10. Raetem “God i Papa blong spirit blong mi” long blakbod. Mekem ol pikinini oli ridim toktok ia tugeta wetem yu. Eksplenem se yumi evriwan i pat blong wan bigfala famle—famle blong God.

Leftemap tingting blong andastanem doktrin (singim wan singsing): Soem wan pikja blong wan famle mo eksplenem se Papa long Heven i bin sendem yumi i kam long wol ia; Hem i sendem yumi blong laef insaed long wan famle. Mekem ol pikinini oli leftemap han blong olgeta antap mo soem wetem fingga blong olgeta hamas pipol i gat insaed long famle blong olgeta. Talem long ol pikinini se bae oli singsing long wan singsing we i stap tij abaot famle blong

olgeta long heven mo famle blong olgeta long wol. Askem wan pikinini blong i livim klasrum, mo mekem ol narafala pikinini oli jusum wan ples blong haedem pikja blong wan famle. Invaetem pikinini we i bin go aotsaed ia blong hem i kambak insaed long klasrum mo mekem hem i faenem pikja blong famle ia taem ol pikinini oli stap singim “Mi Pikinini blong God” (STSP, 58). Taem pikinini ia i stap longwe long pikja, mekem ol pikinini we oli singsing oli sidaon nomo; mo taem hem i stap kam kolosap long pikja, mekem ol pikinini oli stanap sloslo. Ripitim aktiviti ia wetem ol narafala pikinini sapos i gat taem. Toktok raon long mesej blong singsing mo testifae se ol famle oli impoten.

Leftemap tingting blong oli yusum samting we oli lanem (lukluk long wan mira): Mekem wanwan pikinini i lukluk hemwan long wan mira. Talem long olgeta se evri taem we oli lukluk olgetawan long wan mira oli sud tingbaot se oli stap lukluk wan pikinini blong God.



Wik 2: Jisas Kraes I Pikinini blong God.

Leftemap tingting blong andastanem doktrin (*ridim ol skripja*): Putum tri pikja long blakbod. Jon we I Stap Baptaesem Jisas, Kraes we I Kamaot long Ol Man blong Nifae, mo Fas Visen. Serem ol pikinini i go long tri grup, mo givim olgeta skripja ia long wanwan grup: Matiu 3:16–17; 3 Nifae 11:6–8; Joseph Smith—History 1:17. Mekem olgeta oli toktok raon long skripja ia long

wanwan grup blong olgeta mo afta oli givim ripot i kambak long ol narafala pikinini abaot (1) wanem i bin hapen, (2) wanem Papa long Heven i bin talem, mo (3) olsem wanem nao bambae oli filim sapos oli bin stap long taem ia. Invaetem wan pikinini blong ridim Jon 5:39. Eksplenem se yumi save kasem wan testimoni se Jisas Kraes i Pikinini blong God taem yumi stap ridim olgeta skripja mo stap prea.



Ol Wik 3 mo 4: Papa long Heven mo Jisas Kraes, Tufala i lavem mi.

Leftemap tingting blong andastanem doktrin (*plei long gem ia blong singsing mo traem faenem taetol blong singsing ia*): Mekem hem we i stap plei long piano i plei long ol fas tu not blong wan singsing we i stap tij abaot lav we Papa long Heven mo Jisas Kraes Tufala i gat blong yumi; mo afta, mekem ol pikinini oli traem faenem taetol blong singsing ia. Ademap wan not blong piano long wan taem, kasem taem ol pikinini oli faenem stret ansa. Singsing long singsing ia tugeta mo toktok raon long wanem singsing ia i stap tijim abaot lav we Papa long Heven mo Jisas Kraes Tufala i gat blong yumi. Raetem lis blong ol aedia blong ol pikinini long blakbod. Ripitim wetem wanwan singsing. Traem tingting blong yusum ol singsing ia: “My Heavenly Father Loves Me” (CS, 228–29), “Thanks to Our Father” (CS, 20), “I Feel My Savior’s Love” (CS, 74–75), mo “Mi Pikinini blong God” (STSP, 2–3).

Leftemap tingting blong oli yusum samting we oli lanem (*droing*): Givim wan pepa long wanwan pikinini mo mekem olgeta oli dro long wan wei we oli save se Papa long Heven mo Jisas

Kraes, Tufala i lavem olgeta. Yu save lidim ol pikinini oli tingting long ol aedia we oli stap long blakbod we oli kamaot long aktiviti we i stap antap ia. Skojem ol pikja tugeta, mo soemaot olgeta insaed long wan rola bokis (luk long TNGC, 178–79) o rolem ol skripja ia mo afta tekemaot olgeta bakegen. Taem ol pikinini oli stap lukluk, mekem hem we i plei piano i plei long wan long ol singsing we i stap long lis antap.

Leftemap tingting blong andastanem mo yusum doktrin (*tekempat long wan aktiviti*): Raetem sam eksampol blong sam wei we Papa long Heven i stap soem lav blong Hem long yumi mo sam wei we yumi stap soem lav blong yumi long Hem long wan defren pis pepa. Putum ol pis pepa ia long wan kontena, mo mekem wan pikinini i pulum ol pepa ia wan afta wan. Ridimaot wan laod. Sapos hem i wan samting we i soem lav blong Papa long Heven long yumi, mekem ol pikinini oli leftemap gud han blong olgeta i go antap. Sapos hem i soem lav blong yumi long Papa long Heven, mekem olgeta oli putum han blong olgeta long hat blong olgeta.

Ol Help blong miusik lida

Blong helpem ol pikinini blong lanem singsing ia “I Tru, Sevy I Lavem Mi” (ol pej 28–29) blong aotlaen ia), tingting long wan long olgeta samting ia:

Soem wan pikja blong Sevy we i stap blesem ol pikinini blong ol Man Nifae, mo talem stori we oli faenem long 3 Nifae 17:11–24 long ol pikinini wetem toktok blong yuwan nomo. Singsing ol fas

laen blong singsing ia long ol pikinini, mo yusum wan aksen wetem sentens ia “naesfala ples” (olsem yu save openem ol han bigwan). Mekem ol pikinini oli singsing mo mekem aksen ia wetem yu. Invaetem ol pikinini blong tingbaot sam aksen we bae i go wetem wanwan laen blong singsing ia. Afta, singsing mo mekem ol aksen ia tugeta.



Smol Tingting: Elda Dalin H. Oks i bin talem se: “Yumi nid blong yusum moa ol hym blong yumi blong mekem se tingting blong yumi i stret wetem Spirit blong Lod, blong mekem se yumi wan wetem Hem, mo blong i helpem yumi blong yumi tijim mo lanem abaot doktrin blong yumi” (long Conference Report, Okt. 1994, 13; o Ensign, Nov. 1994, 12). Luklukbak long Ol Smol Tingting mo aktiviti insaed long aotlaen ia blong lanem ol defdefren wei we yumi save yusum miusik long sering taem blong yumi.



Ol pikinini oli laekem blong luk ol artwok blong olgeta bakegen. Sapos yu mekem wan rola bokis, yu save yusum bokis ia bakegen long ol narafala lesen. Yu save mekem aktiviti ia tu taem yu skojem ol pikja tugeta blong mekem wan simpol rol.

Jisas Kraes I Sevyia mo Ridima blong Mi

Singsing:
“He Sent His Son”
(CS, 34–35)

“God i lavem tumas ol man long wol, nao hem i givim mi, mi stret Pikinini blong hem, mi wan nomo we hem i gat, blong olgeta man we oli bilif long mi bambae oli no save lus, oli gat laef we i no save finis” (Jon 3:16).

Ademap sam tingting blong yu long ol tingting we oli givim long ples ia. Mekem plan long sam wei blong ol pikinini oli faenem doktrin mo helpem olgeta blong andastanem doktrin ia mo olsem wanem blong yusum doktrin ia long laef blong olgeta. Askem yuwan, “Wanem nao bae ol pikinini oli lanem, mo olsem wanem mi save helpem olgeta blong oli filim Spirit?”

Smol Tingting: Ol pikinini bae oli andastanem ol doktrin moa gud taem ol doktrin ia oli go wetem wan samting we oli save finis. Taem yu statem wan-wan lesen, luklukbak long doktrin we oli bin tijim long wik bifo mo mekem i go wetem ol trutok we oli bin tijim long dei ia.

Lanem Samting tru long Fasin blong Muvmu

Ol pikinini bae oli lanem samting i moa gud mo bae oli tingbaot gud taem oli stap mekem wan aktiviti we oli muvmu long hem.

Wik 1: Jisas Kraes i Sevyia mo Ridima blong mi.

Leftemap tingting blong andastanem doktrin (lukluk ol pikja mo ridim ol skripja): Putum ol pikja blong Las Kaekae, Kraes long Getsemane, Taem Oli Krusifaem Jisas, mo Taem Jisas i Laef Bakegen long Ded raon long klasrum. Poenem ol pikja mo talem long ol pikinini se ol taem ia oli ol las taem long las wik blong laef blong Sevyia. Talem long ol pikinini se bambae yu ridim wan skripja we i go wetem wan long ol skripja ia. Askem olgeta blong tingting se stori ia i go wetem wanem pikja,

be bae oli no mas talemaot laod. Ridim Luk 22:13–14, 19–20. Mekem evriwan i stanap mo i lukluk fesem pikja ia we i go wetem stori. Riptim sem aktiviti ia wetem ol narafala pikja (Getsemane: Luk 22:39–44; Taem Oli Krusifaem Jisas: Luk 23:33–34, 46; Taem Jisas i Laef Bakegen long Ded: Jon 20:11–18). Singim wan singsing olsem “He Sent His Son” (CS, 34–35) o “Mi Save God I Laef” (STSP, 71). Testifae se Jisas i bin ded blong mekem se yumi save laef bakegen wetem Papa long Heven.



Ol Wik 2 mo 3: Tru long Atonmen blong Jisas Kraes, evri man bambae oli save sef.

Faenem doktrin (lanem wan toktok blong bilif baehat): Raetem nambatri toktok blong bilif long blakbod mo invaetem ol pikinini blong oli riptim wetem yu plante taem. Long sot toktok, eksplenem eni wod we ol pikinini oli no andastanem. (Eksampol, Atonmen i wanem we Jisas i bin mekem blong i posibol blong yumi save sakem sin mo gobak long God.) Waepemaot wan o tu toktok mo talem toktok blong bilif ia baeken. Riptim blong helpem ol pikinini blong oli lanem baehat.

Leftemap tingting blong andastanem doktrin (aktem wan stori): Talem stori ia mo invaetem ol pikinini blong stanap mo aktem stori ia wetem yu. “Wan man i stap wokbaot long rod (mekem aksen blong wokbaot long sem ples nomo). Hem i foldaon long wan hol we i dip (sidaon). Hem i traem, mo i traem blong aot be hem i no save kamaot (priten se yu traem blong kamaot long hol). Hem i singaot blong man i help (kwaet nomo mekem aksen blong singaot). Wan nara man i stap wokbaot long sem rod. Hem i harem man ia i stap

krae from help (*bakegen, kwaet nomo mekem aksen blong singaot*). Hem i mekem wan lada i go daon long hol. Man i klaem long lada i kamaot long hol (*priten blong klaemaot long hol*). Man ia i sef nao.” Toktok raon long olsem wanem man ia i bin filim taem hem i bin stap insaed long hol ia mo wanem hem i filim taem narafala man i kam sevem laef blong hem. Talem long ol pikinini se taem yumi mekem rong o taem yumi mekem sin, hem i olsem we yumi foldaon insaed long wan hol we i go daon evriwan, mo yumi no save kamaot yumiwan. Soem wan pikja blong Jisas mo talem long ol pikinini se semmak olsem we wan narafala man i kam helpem man we i bin foldaon long hol, nao Jisas Kraes i save help mo sevem yumi blong yumi save gobak laef wetem Papa blong yumi long Heaven bakegen.

Leftemap tingting blong oli yusum samting we oli lanem (*ridim mo toktok raon long wan skripja*): Invaetem ol pikinini blong ridim Alma 7:11–12 mo lukaotem wanem nao Jisas i bin mekem long yumi. Askem sam pikinini blong oli talem wanem nao oli bin faenem. Talem long ol pikinini se Jisas i andastanem taem oli harem nogud, oli fraet, o oli sik. Hem i save helpem yumi

blong winim olgeta samting ia. Raetem ol toktok ia long blakbod:

Mi mi talem tangkyu long Sevyia from _____.
Sevyia bambae i helpem mi blong _____.

Invaetem sam pikinini blong serem olsem wanem bae oli endem ol sentens ia, o mekem evri pikinini oli serem ansa blong olgeta wetem narafala pikinini we i sidaon long saed blong hem.

Leftemap tingting blong andastanem doktrin (*luklukbak long ol skripja stori*): Talem long ol pikinini se i gat plante stori long skripja abaot ol pipol we oli bin gat blesing from Atonmen ia. Serem sam long olgeta stori ia. Sam long stori ia i gat, Yangfala Alma (luk long Alma 36:5–27), Pol (luk long Ol Wok 8:1–3; 9:1–20), mo Inos (luk long Inos 1:1–8). Afta we yu talem wan stori, luklukbak long stori ia wetem ol pikinini. Sakem wan pis pepa we yu mekem olsem wan balong i go long wan pikinini mo askem hem blong talem wan samting abaot stori we yu jes talem. Mekem pikinini ia i sakem pepa ia i kambak long yu. Gohed kasem taem we ol pikinini oli talem ol impoten poen blong stori ia. Serem testimoni blong yu abaot Atonmen.

Smol Tingting: Ol pikinini oli lanem samting tru long fasin blong muvmuv mo aktiviti. Mekem olgeta oli tekpat taem yu stap talem wan stori mo mekem olgeta oli mekem ol simpol aksen mo muvmen. Afta wan aktiviti, yu save helpem olgeta blong rere blong nekis taem, blong lanem samting taem yu klosem aktiviti o gem long kwaet fasin. Eksampol, mekem ol pikinini oli singsing sam ves blong wan singsing sloslo, o putum ol han blong yu long fored blong yu be openem olgeta. Nao invaetem ol pikinini blong oli lukluk taem oli stap singsing. Taem yu stap muvmuv ol han blong yu i kam kolosap tugeta, bae oli stap singsing wetem voes i go daon sloslo. Talem tangkyu long olgeta from oli bin stap revren.

Wik 4: Jisas Kraes i bin laef bakegen long ded, mo mi tu bae i semmak.

Leftemap tingting blong andastanem doktrin (*lukluk ol pikja mo plei long wan gem blong pikinini i traem faenem ansa*): Serem ol pikinini i go long ol grup mo givim long wanwan grup wan pikja abaot wan samting we i hapen long taem blong Laef Bakegen long Ded (eksampol, yu save yusum ol pikja blong Taem Oli Krusi-faem Jisas, Taem Oli Berem Kraes, emti tumb, Meri mo Lod we i laef bakegen long ded, mo Jisas we i stap soem ol mak blong Hem long ol disaepol blong Hem). Talem long olgeta se bae oli no letem ol narafala grup oli luk pikja blong olgeta. Mekem wanwan grup i givim faef smol tingting blong helpem ol narafala pikinini blong oli traem faenem wanem nao i stap hapen long pikja blong olgeta. Taem oli kasem stret ansa, soem pikja blong olgeta long ol narafala grup. Eksplenem se from we Jisas Kraes i bin laef bakegen long ded, bambae yumi evriwan tu, bae i laef bakegen long ded.



Ol help blong miusik lida

Blong helpem ol pikinini blong lanem “He Sent His Son” (CS, 34–35), tingting long olgeta samting ia:

- Taem yu stap singsing, mekem ol pikinini oli kaontem long ol fingga blong olgeta hamas taem nao oli singsing long ol wod ia “He sent His Son” o mekem olgeta oli stanap taem oli stap singsing long ol kwestin mo oli sidaon taem oli singsing long ol ansa.
- Serem ol pikinini long tu grup. Mekem haf i singsing long ol kwestin blong singsing ia mo haf i ansa taem oli singsing long ol ansa.

Ol pikinini oli laekem blong tekempat long taem blong lanem samting.

Taem yu stap mekem plan blong ol sering taem blong yu, tingting long sam wei blong yusum moa pikinini long ol aktiviti blong lanem samting. Eksampol, aktiviti ia i yusum wan grup blong pikinini be i no wan o tu pikinini nomo.

God I Toktok tru long Ol Profet

“Hemia i olsem tok we God i talemaot finis long yumi, long tok blong ol tabu profet blong hem bifo” (Luk 1:70).

Singsing:
“Follow the Prophet”
 (CS, 110–11)

Smol Tingting: Bae oli pikinini oli filim Spirit taem oli serem wanem nao oli andastanem abaot ol prinsipol blong gospel. Oli save serem wanem oli bin lanem tru long toktok, art, mo singsing blong olgeta.

Ademap sam tingting blong yu long ol tingting we oli givim long ples ia. Mekem plan long sam wei blong ol pikinini oli faenem doktrin mo helpem olgeta blong andastanem doktrin ia mo olsem wanem blong yusum doktrin ia long laef blong olgeta. Askem yuwan, “Wanem nao bae ol pikinini oli lanem, mo olsem wanem mi save helpem olgeta blong oli filim Spirit?”

Wik 1: God i singaotem olgeta profet.

Faenem doktrin (miks toktok): Raetem wanwan toktok ia long ol defdefren pis pepa: God, i, singaotem, olgeta, profet. Givim ol pepa ia long faef pikinini. Mekem ol pikinini oli stanap long fored blong klas, be oli miks blong ol toktok oli no stap long oda. Invaetem ol narafala pikinini blong putum ol toktok ia long oda. Ripitit sentens ia tugeta.

Leftemap tingting blong andastanem doktrin (ridim olgeta skripja): Rere long sam smol toktok we bae i helpem ol pikinini blong faenem olsem wanem God i bin singaotem Moses, Lihae, mo Josef Smit. Eksampol, long saed blong Moses yu save talem: “God i singaotem mi taem Hem i bin stap long wan smol tri we faea i laet long hem, mo Hem i bin toktok long mi”; “God i bin singaotem mi blong mi raetem ol faef fas buk blong Baebol”; mo “God i bin singaotem mi blong mi lidim ol pipol blong Hem aot long Ijip.” Jusum trifala pikinini blong representem ol profet ia, mo invaetem olgeta blong givim ol sot toktok ia long Praemer. Invaetem ol pikinini blong oli leftemap han taem oli ting se oli save huia profet ia. Mekem ol pikinini

oli talem ansa ia tugeta. Afta we oli faenem wanwan profet ia, ridim wan skripja abaot wanwan profet ia (Moses: Eksodas 3:4–5; Lihae: 1 Nifae 1:5–6; Josef Smit: Joseph Smith—History 1:16–17). Poenemaot se God i bin singaotem Moses, God i bin singaotem Lihae, mo God i bin singaotem Josef Smit. Talem long ol pikinini se God i bin singaotem evri profet.

Leftemap tingting blong oli yusum samting we oli lanem (toktok raon mo afta mekem aksen folem ol aedia): Askem ol pikinini, “Huia i profet blong yumi tedei?” Soem wan pikja blong Presiden blong Jos tedei. Eksplenem se God nao i bin singaotem hem. Mekem ol pikinini oli stap long wanwan grup mo oli toktok raon long olsem wanem oli save folem profet blong tedei. Invaetem wan pikinini blong wanwan klas blong kam long fored blong aktem wan samting we oli bin toktok raon long grup blong olgeta. Invaetem ol narafala pikinini blong oli traem faenem wanem nao aksen ia. Askem pikinini ia blong serem olsem wanem nao we sapos hem i folem profet long wei ia, bae i save blesem laef blong hem.

Wik 2: Ol profet oli testifae abaot Jisas Kraes.

Leftemap tingting blong andastanem doktrin (lukluk ol pikja mo ridim ol skripja): Bifo sering taem, putum wan pikja blong Jisas Kraes long blakbod mo kavremap pikja ia wetem ol pikja

blong olgeta profet ia: Aesea, Jon Baptaes, Nifae, mo Josef Smit. Givim olgeta skripja ia long wanwan klas: Aesea 9:6; Mak 1:6–8; 2 Nifae 25:26; Doctrine and Covenants 76:20–24. Mekem ol

Faenemaot o Talemaot Gud Ol Doktrin

Taem yu mekem wan akti-viti, talemaot gud doktrin we yu stap tijim. Hemia bae i helpem ol pikinini blong oli andastanem doktrin ia mo blong oli yusum doktrin ia moa gud.

[Klik long ples ia blong ol pepa toktok.](#)



pikinini oli ridim skripja ia wetem klas blong olgeta mo faenem huia nao profet we i stap testifae, mo wanem nao hem i testifae abaot Jisas Kraes. Mekem wan klas i poenem pikja blong profet we oli stap ridim toktok blong hem mo oli serem

wetem Praemeri wanem nao oli bin lanem. Teke-maot pikja ia blong profet ia long blakbod. Ripitit sem samting wetem ol tri narafala profet. Poenem pikja blong Kraes mo talem long ol pikinini se evri profet oli stap testifae abaot Jisas Kraes.

Wik 3: Yumi stap sef taem yumi folem profet.

Leftemap tingting blong andastanem doktrin (*tekempat long wan aktiviti we i gat aksen*): Soem wan pikja blong Moses, mo eksplenem se Moses i bin wan profet we i bin lidim ol pipol blong hem long wan sef ples. Eksplenem se ol man Isrel oli bin prisena blong Farao, king blong Ijip, mo Lod i bin talem long Moses blong lidim olgeta aot long Ijip (luk long Eksodas 3:10). Talem stori we i stap long Eksodas 14, mo invaetem ol pikinini blong aktem stori ia wetem yu. Eksampol: “Ol pipol oli bin folem Moses oli krosem wan drae ples (*stanap mo wokbaot long sem ples*). Oli kam kasem solwota (*mekem ol wef blong solwota wetem han*). Ol pipol oli luklukbak (*lukluk biae*) mo oli luk King blong Ijip mo ami blong hem oli kam biae, oli folem olgeta

(*slapem han long leg blong mekem saon blong ol hos we i ron*). Oli bin fraet (*mekem fes blong yu olsem se yu fraet*).” Ridim Eksodas 14:13, mo gohed wetem stori ia. “Lod i bin talem long Moses blong leftemap wokingstik blong hem (*priiten se yu stap leftemap wan stik*), mo solwota i seraot (*openem han blong yu*). Ol pipol oli bin folem Moses tru long solwota antap long graon we i drae i go kasem narasaed mo oli bin sef (*stanap mo wokbaot long sem ples*). Taem ami blong king blong Ijip i bin traem blong folem olgeta, Lod i bin talem long Moses blong openem han blong hem bakegen, mo solwota ia i kambak tugeta bakegen (*mekem han i kam tugeta*). Ami blong king blong Ijip i draon long solwota. Ol pipol oli bin sef from se oli bin folem profet.”



Wanem nao ol pikinini bambae oli mekem blong lanem samting?

Taem yu askem kwestin ia long yuwan taem yu stap rere long ol aktiviti bae i helpem ol pikinini blong oli lanem samting taem oli tekempat. Eksampol, long pikja ia, ol pikinini oli stap aktem stori blong Moses we i stap seraotem Red Si.


Wik 4: God i toktok tru long olgeta profet.

Tingting blong luklukbak long ol doktrin we ol pikinini oli bin lanem long manis ia long sering taem. Eksampol, yu save:

- Ripitit mo gohed moa long sam aktiviti we yufala i bin mekem finis long sering taem bifo.
- Soem wan pikja blong profet blong tedei long ol pikinini mo talem, “Sapos yu save se huia man ia, leftemap han blong yu.” Askem ol pikinini

blong wispa nem blong hem long neiba blong hem. Invaetem sam pikinini blong serem olsem wanem nao oli filim abaot profet ia.

- Singsing long kores ia “Follow the Prophet” (CS, 110–11) long semtaem bae ol pikinini bae oli aktem sam samting we bae oli mekem blong folem profet.



Smol Tingting: Taem yu mekem ol pikinini oli ridim skripja blong olgeta, i soem long olgeta olsem wanem ol skripja oli impoten mo i invaetem Spirit. Sapos i posibol, invaetem ol pikinini blong lukluk long wan long ol skripja ia wetem yu. Yu save helpem ol pikinini blong faenem ol skripja taem yu givim pej namba mo poenem ves long skripja blong yu. Tingting blong ridim ves ia laod tugeta.

Smol Tingting: Long manis, yu bin yusum ol fasin ia blong tij: miks toktok, toktok raon mo mekem aksen folem ol aedia, luk ol pikja, tekempat long wan aktiviti we i gat aksen, mo luklukbak long ol aktiviti we yu bin mekem finis. Lukaotem sam wei blong yusum ol fasin ia blong tij long ol narafala lesen.

Jisas Kraes I Bin Putumbak Fulnes blong Gospel tru long Josef Smit

**Singsing: “The Church
of Jesus Christ”
(CS, 77)**

Smol Tingting: *Taem
yumi serem ol pikinini i go
long ol smol grup i givim
janis long evri pikinini
blong oli tekem pat. Ting-
ting long hamas Praemeri
klas blong yu i bigwan mo
hamas grup nao bae yu
nidim blong mekem se evri
pikinini i tekem pat long
aktiviti (luk long wik 1).*

Faenemaot o Talemaot Gud Ol Doktrin

*Talemaot klia doktrin
we yu stap tijim. Hemia i
helpem ol pikinini blong oli
andastanem doktrin ia mo
oli yusum doktrin ia moa
gud. Tingting long sam wei
blong mekem ol pikinini oli
luk ol toktok blong doktrin
ia mo oli komitim olgeta
blong oli tingbaot olgeta.*

“Mifala i biliv long semfala oganaesesen we i bin stap long Jos blong Bifo” (Ol Toktok blong Bilif 1:6).

Ademap sam tingting blong yu long ol tingting we oli givim long ples ia. Mekem plan long sam wei blong ol pikinini oli faenem doktrin mo helpem olgeta blong andastanem doktrin ia mo olsem wanem blong yusum doktrin ia long laef blong olgeta. Askem yuwan, “Wanem nao bae ol pikinini oli lanem, mo olsem wanem mi save helpem olgeta blong oli filim Spirit?”

Wik 1: Papa long Heven mo Jisas Kraes, Tufala i bin kamaot long Josef Smit.

Faenem doktrin (ridim olgeta skripja): Talem long olgeta pikinini se Jisas Kraes i bin stanemap Jos blong Hem taem Hem i bin laef long wol ia. Tedei, yumi save singaotem se jos ia, hem i “Jos blong Bifo.” Eksplenem se i no longtaem afta we Jisas i bin ded, gospel blong Hem i bin lus long wol ia, mo plante yia afta, Jisas i bin putumbak gospel blong Hem tru long Josef Smit. Rere long fo pepa toktok, mo raetem wanwan long olgeta sentens ia long wanwan pepa toktok ia:

1. Josef Smit i bin ridim long Baebol,
“Sipos wan long yufala i _____
_____, hem i mas askem long God.” (Luk
long Joseph Smith—History 1:11; Jemes 1:5;
Testemoni blong Profet Josef Smit, pej 1)
2. Josef Smit i bin go long _____ blong _____.
(Luk long Joseph Smith—History 1:14; Testemoni
blong Profet Josef Smit, pej 2)
3. Josef i bin luk wan _____ i saen antap i kam
daon, stret antap long hed blong hem. (Joseph
Smith—History 1:16; Testemoni blong Profet
Josef Smit, pej 2)


4. Papa long Heven i bin poenem Jisas Kraes mo i
bin talem se: “Hem, Hem i _____ blong Mi we
Mi _____.” (Joseph Smith—History
1:17; Testemoni blong Profet Josef Smit, pej 2)

Serem ol pikinini long fo grup, mo givim wanwan pepa toktok long wanwan grup. Invaetem olgeta blong ridim skripja blong faenem toktok we i no stap. Mekem olgeta oli wispa ansa ia long wanwan blong olgeta be oli no raetem long pepa. Mekem ol pikinini oli pasem pepa toktok blong olgeta long wan narafala grup, mo oli ripitim hemia kasem wanwan grup i faenem evri ansa. (Ol ansa: 1. no gat waes; 2. bus, prea; 3. laet; 4. Pikinini, Lavem Tumas)

Leftemap tingting blong andastanem doktrin: Tingting blong yusum ol aktiviti, ol pikja, mo ol fingga papet we i stap long lesenbuk blong neseri, *Behold Your Little Ones*, blong helpem ol pikinini blong andastanem se Papa long Heven mo Jisas Kraes, Tufala i bin kamaot long Josef Smit (luk long ol pej 88–91).

Wik 2: Josef Smit i bin transletem Buk blong Momon wetem paoa blong God.


Leftemap tingting blong andastanem doktrin (ridim mo toktok raon long wan skripja): Raetem paoa blong God long blakbod mo yusum wan kod (eksampol, yu save riplesem wanwan leta wetem wan saen). Askem sapos i gat wan i



i soem se wanem leta wanwan saen i ripresentem, mo mekem ol pikinini oli wok long grup blong faenem mesej. (Talem bakegen long ol pikinini se bae oli no talem ansa laod.) Ridim sentens ia tugeta. Ridim Doctrine and Covenants 1:29. Eksplenem se Josef Smit i no bin save ridim ol raeteing long ol plet blong gol sapos hem i no gat help we i kam long Lod. Invaetem ol pikinini blong oli serem wanem oli save abaot olsem wanem Josef Smit i bin save transletem (tanem lanwis) blong Buk blong Momon. Invaetem sam pikinini blong oli serem olsem wanem nao oli filim abaot Buk blong Momon.

Ol Wik 3 mo 4: Jisas Kraes i putumbak gospel tru long Josef Smit.

Faenem doktrin mo leftemap tingting blong andastanem samting (putumbak wan pasol tugeta): Talem bakegen long ol pikinini we i no longtaem afta we Jisas i bin ded, gospel blong Hem i bin lus long wol ia, mo afta, Hem i bin putumbak gospel ia tru long Josef Smit. Eksplenem se blong putumbak, i minim blong putumbak tugeta bakegen. Droem wan simpol pikja blong wan jos wetem taetol olsem oli stap soem ia (luk long Efesas 2:20; 4:11–13). Eksplenem se taem Kraes i bin stap long wol ia, Hem i bin stanemap Jos blong Hem. Katemaot pikja long pisis taem yu stap tijim olgeta abaot Apostasi. Mekem ol pikinini oli putumbak pikja ia taem oli lisin long hem we i stap plei piano, i plei long




[Klik long ples ia blong dro.](#)

singsing ia “On a Golden Springtime” (CS, 88). Singing long nambatri ves blong singsing ia tugeta.

Leftemap tingting blong andastanem doktrin (lisin long ol spesel spika): Invaetem sem memba blong wod blong kam long Praemeri mo oli dresap olsem ol pipol we oli bin tekempat long Restoresen (olsem Josef Smit [luk long Joseph Smith—History 1:8–20], enjel moronae [luk long Joseph Smith—History 1:29–35, 42–49], olgetra tri witnes [luk long “Testemoni blong Ol Tri Witnes”], o Jon Baptaes [luk long D&C 13]). I gud blong oli dresap simpol nomo. Seremaot ol pikinini long ol grup. Invaetem ol visita blong oli talemaot huia olgeta mo mekem ol pikinini oli talem wanem nao oli save abaot olgeta. Mekem ol visita oli serem testemoni blong olgeta abaot ol pipol we oli bin ripresentem.

Tingting blong yusum wan droing we i kolosap semmak long hemia blong aktiviti ia. Sapos Praemeri klas blong yu i bigwan, tingting blong mekem ol pikinini oli seraot long ol smol grup blong finisim aktiviti ia.



Smol Tingting: Yumi no gat raet blong mekem wan i ripresentem Papa long Heven mo Jisas Kraes long wan drama.

Ol help blong miusik lida

Blong helpem ol pikinini blong lanem “The Church of Jesus Christ” (CS, 77), tingting long olgeta samting ia:

- Askem ol pikinini blong stanap sapos oli pat blong wan famle. Ripitim sem samting sapos



oli pat blong ol narafala grup, olsem wan tim, wan klab, mo wan jos. Mekem ol pikinini oli eksplenem se *blong stap pat* i minim wanem (we yu yu wan impoten pat blong wan samting). Tokbaot singsing ia taem yu soem pikja blong Jisas Kraes mo ol pikinini oli ridim Doctrine and Covenants 115:4 tugeta.

- Talemaot wanwan laen blong singsing ia taem yu mekem ol pikinini oli lisin long ansa blong wan kwestin taem yu singsing laen ia long olgeta. (Eksampol: Mi mi pat blong wanem? Wanem nao tufala samting we mi save? Olsem wanem bae mi folem Hem?) Afta, mekem ol pikinini oli singsing long laen ia wetem yu. Gohed kasem taem ol pikinini oli lanem ful singsing.
- Serem Praemeri long tu grup mo mekem wanwan grup i singsing ol fas tu toktok nomo blong wanwan sentens (*I belong, I know*, mo ol narafala-wan), mo mekem narafala grup i talem haf toktok blong sentens. Jenisim ol grup mo ripitim aktiviti ia.

Smol Tingting: Yusum sam singsing blong Praemeri long tijing blong yu. Hemia bae i helpem ol pikinini blong oli tingbaot gud wanem nao oli bin tijim long olgeta. “Yumi save filim mo lanem sam samting blong spirit moa kwik tru long miusik . . . bitim we bae yumi lanem olsem sloslo nomo” (Boed K. Peka, long TNGC, 46).

Olgeta Prinsipol mo Odinens blong Gospel Oli Lidim Mi I Go long Jisas Kraes

Jusum wan singsing we yu wantem long *Children's Songbook*, o Singsing Tabu mo Sing-sing blong Ol Pikinini

"Mifala i biliv we ol fas prinsipol mo odinens blong Gospel oli: nambawan, fet long Lod Jisas Kraes; nambatu, Sakem Sin; nambatri, Kasem Baptaes andanit long wota blong kam klin long ol sin; nambafo, Putum han long hed blong kasem presen we i Tabu Spirit." (Ol Toktok blong Bilif 1:4).

Ademap sam tingting blong yu long ol tingting we oli givim long ples ia. Mekem plan long sam wei blong ol pikinini oli faenem doktrin mo helpem olgeta blong andastanem doktrin ia mo olsem wanem blong yusum doktrin ia long laef blong olgeta. Askem yuwan, "Wanem nao bae ol pikinini oli lanem, mo olsem wanem mi save helpem olgeta blong oli filim Spirit?"

Smol Tingting: Taem yu


invaetem ol pikinini blong oli seraot long ol smol grup, i givim moa janis long wanwan pikinini blong oli tekem pat. Long sering taem, ol pikinini oli sidaon long ol klas grup finis. Yu save yusum olgeta grup ia blong ol aktiviti. Ol tija blong klas oli save giv-han blong mekemsua se ol pikinini oli tekempat mo oli gohed blong stap revren.

Wik 1: Fet blong mi long Jisas Kraes i kam strong moa taem mi obei.

Faenem doktrin (*lanem wan toktok blong bilif*): Putum wan pikja blong Jisas Kraes long blakbod. Droem wan lada we i gat fo step i go long pikja ia. Talem nambafo toktok blong bilif tugeta, mo invaetem ol pikinini blong talem nem blong ol fas prinsipol mo odinens blong gospel, mo raetem olgeta long wanwan stret step. Kaontem olgeta long fingga blong yu taem yu stap talem wanwan prinsipol mo odinens ia. Tingting long sam wei blong helpem ol pikinini blong lanem nambafo toktok blong bilif ia baehat.

Leftemap tingting blong andastanem doktrin (*singim wan singsing*): Singsing long "Faith" (CS,

96–97). Mekem wan pepa toktok blong wanwan sentens long nambatu ves. Serem ol pikinini long fo grup mo givim wan pepa toktok long wanwan grup. Mekem wanwan grup i stanap mo singsing long laen blong olgeta long stret taem long singsing. Mekem ol grup oli pasem pepa toktok blong olgeta, mo ripitim singsing kasem taem we wanwan grup i singsing long wanwan laen ia. Invaetem ol pikinini blong oli aktem ol wei we oli save obei. (Oli save mekem hemia long grup blong olgeta nomo o wetem ful Praemeris klas.) serem wetem ol pikinini, wan eksperien blong yuwan we i bin mekem fet blong yu long Jisas Kraes i kam strong moa.



Yusum blakbod

Wan blakbod i wan gudfala tul blong tij. Yusum ol simpel laen droing blong help blong tijim ol prinsipol blong gospel.

Wik 2: Mi save sakem sin.

Leftemap tingting blong andastanem doktrin mo yusum (*toktok raon long ol defren stadi eksampol*): Eksplenem se from Jisas Kraes, taem yumi mekem wan rong samting, yumi save sakem sin, we i minim se yumi stop blong mekem sin ia mo yumi tanem yumiwan i go long God. Eksplenem we fasin blong sakem sin i minim blong filim sore, blong askem fogivnes, blong stretrem rong, mo blong nomo ripitim rong ia. Long sot

toktok nomo, tokbaot olgeta step ia, mo talemaot gud we Sevyia i save helpem yumi. Serem ol pikinini long ol grup mo givim wanwan stadi eksampol long wanwan grup. Mekem olgeta oli ridim stadi eksampol ia mo oli toktok raon long wanem bae oli mekem blong sakem sin. Eksampol, wan i kros mo i kilim brata o sista blong hem. Wanem nao hem i sud mekem? Talemaot tangkyu blong janis we Jisas Kraes i bin givim blong yumi save sakem sin.

Wik 3: Taem mi baptaes, mi mekem wan kavenan wetem God.

Faenem doktrin (*stap lanem abaot ol promes*): Blong soemaot wanem nao hem i wan promes, invaetem tu pikinini blong kam long fored. Mekem fas pikinini i talem, “Mi promes blong _____ (mi givim buk blong mi smol taem) sapos yu promes blong _____ (yu givim bak).” Mekem nambatu pikinini i agri mo putum han blong pikinini ia i go raon long fas pikinini. Eksplenem se wan kavenan i wan promes we i wok long tu wei, bitwin yumi mo God. Raetem long wan saed blong blakbod “Ol Promes blong God” mo long narafala saed “Mifala I Promes.” Eskplenem se taem yumi baptaes, yumi mekem promes long God mo Hem i mekem ol promes long yumi.

Leftemap tingting blong andastanem doktrin (*singim ol singsing*): Bifo long taem blong klas, rere long sam pis pepa wetem ol promes ia mo singsing ia: Tekem nem blong Jisas Kraes long

yumiwan (“The Church of Jesus Christ” [CS, 77]); Tingbaot Hem oltaem (“Mi Save God I Laef” [STSP, 59]); Kipim olgeta komanmen (“Keep the Commandments” [CS, 146–47]); Gat Spirit blong Hem wetem yumi (“The Holy Ghost” [CS, 105]); Gobak laef wetem Hem (“Mi Pikinini blong God,” ves 3 [STSP, 5–8]). Putum ol pis pepa long wan kontena. Mekem wanwan pikinini i pulum wan pepa mo i ridim promes. Askem ol pikinini, “Hu i mekem promes, God o yumi?” raetem promes long blakbod andanit long stret heding. Mekem ol pikinini oli singsing long singsing ia mo oli pasem kontena kasem taem singsing i finis. Mekem pikinini we i holem kontena taem singsing i finis i pulum wan narafala pepa. Ripitum wanwan long sem samting wetem wanwan singsing ia. Luklukbak long olgeta promes mo testifae long olsem wanem kavenan blong baptaes i impoten.



Yusum Ol Pikinini

Taem yu yusum ol pikinini be i no ol pikja bae i save pulum tingting blong olgeta mo tu i save mekem olgeta i rere blong lanem samting. Eksampol, sering taem ia i stat wetem ol pikinini we oli stat blong soem wan aedia blong wan promes.



Wik 4: Taem mi konfem, mi kasem presen we i Tabu Spirit.

Faenem doktrin (*lukluk wan pikja mo singim wan singsing*): Soem wan pikja blong wan pikinini we i kasem konfemesen mo askem ol pikinini wanem i stap hapen long pikja. Askem: “Wanem nao hem i presen we i Tabu Spirit?” Talemaot gud we presen we i Tabu Spirit i raet blong gat Tabu Spirit oltaem olsem kompanion. Singsing “The Holy Ghost” (CS, 105).

Leftemap tingting blong andastanem doktrin (*askem ol kwestin*): Invaetem wan man we i holem Melkesedek Prishud blong kam long

Praemeri. Givim sam kwestin long ol pikinini blong oli askem long hem olsem: Wanem prishud nao yu holem? Olsem wanem yu bin kasem prishud? Olsem wanem nao yu konfemem wan i kam memba blong Jos? Wanem nao mining blong “putum han antap long hed blong man”? Wanem mining blong “kasem Tabu Spirit”? Olsem wanem nao Tabu Spirit i save givhan long mi? Invaetem ol pikinini blong oli serem ol eksperiens blong olgeta long olsem wanem Tabu Spirit i bin helpem olgeta.

Smol Tingting: Taem ol pikinini oli serem filing blong olgeta abaot gospel, hem i invaetem Spirit. Helpem ol pikinini blong oli andastanem se ol filing blong pis mo lav we oli filim oli kam long Tabu Spirit. Stamba tingting blong lukluk long hem long sering taem blong wik 4 i sud stap blong ol pikinini oli serem olsem wanem Tabu Spirit i bin givhan long olgeta. Mekemsua se yu mekem ples i kwaet blong samting ia i save hapen.

Tabu Spirit I Testifae abaot Trutok blong Evri Samting

Singsing:
“The Holy Ghost”
 (CS, 105)

“Tru long paoa blong Tabu Spirit, yufala i save gat save long saed blong trutok blong evri samting” (Moronae 10:5).

Ademap sam tingting blong yu long ol tingting we oli givim long ples ia. Mekem plan long sam wei blong ol pikinini oli faenem doktrin mo helpem olgeta blong andastanem doktrin ia mo olsem wanem blong yusum doktrin ia long laef blong olgeta. Askem yuwan, “Wanem nao bae ol pikinini oli lanem, mo olsem wanem mi save helpem olgeta blong oli filim Spirit?”

Wik 1: Tabu Spirit i nambatri memba blong Godhed.

Faenem doktrin (lanem wan toktok blong bilif baehat): Helpem ol pikinini blong lanem fas toktok blong bilif baehat; blong mekem hemia serem ol pikinini long tri grup. Poenem fingga long wan grup mo mekem olgeta oli talem, “Mifala i biliv long God, Papa we I No Save Finis.” Poenem fingga long wan narafala grup mo mekem olgeta oli talem, “Mo long Pikinini blong Hem, Jisas Kraes.” Poenem nambatri grup mo mekem olgeta oli talem, “mo long Tabu Spirit.” Ripitim fasin ia, blong i givim long wanwan grup wan taem blong talem wanwan sentens. (Yu save mekem ol pikinini oli kaontem ol sentens long fingga blong olgeta.) Eksplenem se Papa long Heven, Jisas Kraes, mo Tabu Spirit oli ol trifala memba blong Godhed. Talem long ol pikinini se Tabu Spirit i wan spirit, we i no gat bodi blong mit mo bun.

Leftemap tingting blong andastanem mo yusum doktrin (ridim ol skripja mo serem ol eksperiens): Invaetem ol pikinini blong openem skripja blong olgeta mo ridim Doctrine and Covenants 130:22 tugeta. Askem olgeta blong lisin long

from wanem Tabu Spirit i no gat wan bodi. Ridim Doctrine and Covenants 8:2. Mekem ol pikinini oli poenem hed blong olgeta taem yu talem “maen” mo long hat blong olgeta taem yu talem “hat”. Serem sam eksampol long olsem wanem Tabu Spirit i save toktok long maen mo hat blong yumi (luk long Galesia 5:22). Tingting blong gat ol pikinini oli serem abaot sam taem we oli bin filim Tabu Spirit i lidim olgeta.

Leftemap tingting blong andastanem mo yusum doktrin (toktok raon long ol wok blong Tabu Spirit): Serem ol pikinini long faef grup. Givim wan long ol skripja ia long wanwan grup mo mekem olgeta oli faenem olsem wanem Tabu Spirit i stap helpem yumi: Jon 14:26 (givhan mo tij); 2 Nifae 32:5 (talem long yumi wanem blong mekem); Mosaea 5:2 (i jenisim hat blong yumi); Moronae 8:26 (i fulumap yumi wetem hop mo lav); Doctrine and Covenants 20:27 (i testifae abaot Kraes). Invaetem wanwan grup blong talem long Praemer i wanem nao oli bin lanem.

Wik 2: Tabu Spirit i toktok long wan kwaet, smol voes.

Faenem doktrin (stap lan blong lisin): Long wan kwaet voes talem: “Yufala evriwan we i save harem voes blong mi, putum fingga blong yu long nus blong yu. Yufala evriwan we i save harem voes blong mi, putum han blong yu antap long hed blong yu.” Gohed mo talem sam narafala pat long bodi we bae oli tajem, kasem taem we evri pikinini oli lisin long kwaet voes blong yu. Long en yu save askem olgeta blong foldem han blong olgeta. Poenemaot se nating we yu bin stap toktok long wan kwaet voes, taem ol pikinini oli bin lisin, oli bin harem voes blong yu mo oli bin obei long instraksen blong yu. Eksplenem se Tabu Spirit i toktok long yumi long wan kwaet mo smol voes.

Leftemap tingting blong andastanem doktrin (tekempat long wan aktiviti we i gat

aksen): Fasem ae blong wan pikinini mo tekem hem i go long wan defren rum. Talem long pikinini ia: “sapos yu trastem mi mo lisin long mi, bae mi lidim yu i gobak long jea blong yu.” Wetem wan kwaet voes, givim ol daereksen blong hem i gobak long jea blong hem. Askem, “Olsem wanem nao wei ia i semmak long wei we Tabu Spirit i stap lidim yumi?” Soem olsem wanem yumi save putum se Tabu Spirit i olsem Liahona; semtaem serem stori blong Nifae wetem aro blong hem we i brok (luk long 1 Nifae 16:18–32). Tingting blong yusum ol aksen olsem i stap long ol narafala lesen long aotlaen ia (luk long Maj, wik 3, o Ogis, wik 4). Eksplenem se semmak olsem we Liahona i bin daerektem ol pipol folem fet mo hadwok blong olgeta, Tabu Spirit bae i lidim yumi folem fasin blong yumi blong stap stret mo gud taem yumi lisin long voes blong Hem.

Smol Tingting: Hem i impoten blong ol pikinini oli lanem ol trutok blong gospel long skripja. Helpem ol pikinini blong putum ful tingting blong olgeta long skripja mo blong lisin taem wan i ridim skripja. Iven ol yangfala pikinini oli save lisin blong faenem sam spesel wod taem yu stap ridim wan ves.


Wik 3: Tabu Spirit i save lidim mo protektem yumi.

Leftemap tingting blong andastanem doktrin

(stap lisin long ol stori): Invaetem sam memba blong wod blong serem ol stori abaot olsem wanem Tabu Spirit i lidim mo protektem yumi. Oli save serem ol eksperiens blong olgetawan o wan stori we i kamaot long skripja o histri blong Jos (eksampol, luk long *Teachings of Presidents of the Church: Wilford Woodruff* [2004], 46–47). Serem ol pikinini long ol grup mo mekem ol grup o olgeta we oli talem stori oli muvmuv raon kasem taem evri grup oli bin harem evri stori. Mekem ol pikinini oli hamsing long “The Holy Ghost” (CS, 105) taem oli stap muvmuv bitwin olgeta we oli talem stori.

Leftemap tingting blong andastanem mo

yusum doktrin *(blakbod aktviti):* Serem blakbod long tu kolom. Raetem “Ol impoten desisen” long top blong wan kolom, mo “Invaetem Tabu Spirit” long top blong narafala kolom. Mekem ol pikinini oli fulumap fas kolom taem oli listimdaon ol impoten desisen we oli mekem long laef blong olgeta. Afta, mekem olgeta oli fulumap nambatu kolom wetem wanem we bae oli mekem blong invaetem Tabu Spirit long laef blong olgeta blong oli save kasem help blong mekem ol desisen ia.



Smol Tingting: Wan wei blong invaetem Spirit i blong givim janis long ol pikinini blong serem wanem nao bae oli mekem blong laef folem ol trutok blong gospel. Tingting long olsem wanem yu save givim sam janis olsem long wanwan lesen blong sering taem.

OL IMPOTEN DESISEN

Stap ones
Kasem baptaes
Mekem wan misin

INVAETEM TABU SPIRIT

Prea
Kam long jos
Ridim olgeta skripja

Yusum blakbod

Ol blakbod oli ol gudfala tul blong tij. Yu save yusum olgeta blong welkamem ol pikinini, askem wan kwestin, faenem o talemaot gud wan doktrin, rekodem ol aedia, mo mekem pikja folem ol stori o wan aedia (luk long TNGC, 162–63).

Wik 4: Tru long paoa blong Tabu Spirit, yumi save kam blong save trutok blong evri samting.

Leftemap tingting blong andastanem mo yusum doktrin

(plei long wan gem o serem ol eksperiens): Ridim Moronae 10:5 tugeta, mo testifae se Tabu Spirit bae i helpem yumi blong lanem trutok. Talem long ol pikinini se samtaem, oli save kasem wan gudfala filing taem oli stap long jos, taem oli mekem ol kaen aksen, o taem oli stap prea mo ridim olgeta skripja. Eksplenem se filing blong pis ia i kam long Tabu Spirit we i stap talem long olgeta se olgeta samting ia oli tru mo stret. Serem ol pikinini long ol defren klas grup, mo mekem wanwan grup i mekem olgeta aktiviti ia: (1) Plei kiub gem we i stap long lesenbuk blong neseri, *Behold Your Little Ones* (luk long ol pej 29, 31).

(2) Serem ol eksperiens long olsem wanem Tabu Spirit i bin helpem olgeta. (Yu save invaetem wan tija long wanwan grup blong serem wan eksperiens fastaem.)



Putum Lesen long Stret Level

Jenisim mo putum ol lesen i go stret wetem level blong ol pikinini. Tingting blong yusum ol aedia mo ol aktiviti we i kam long ol narafala buk blong Jos we oli apruvum, olsem lesenbuk blong neseri mo ol magasin blong Jos.

Mi Save Folem Eksampol blong Jisas Kraes

Singsing:
“Come, Follow Me”
 (Hymns, no. 116)

Smol Tingting: Taem ol pikinini oli muvmuv long Praemeri, i mekem ol pikinini oli smat mo oli lisin. Jenisim mo putum ol aktiviti long level blong Praemeri blong yu. Eksampol, sapos Praemeri klas blong yu i bigwan, bae yu nid blong mekem olgeta oli wokbaot long sem ples we oli stanap nomo, be bae oli no wokbaot i go long wanwan pikja long aktiviti blong wik 2.



Smol Tingting: Ol pikinini bae oli lanem samting moa gud taem yu yusum ol defdefren wei blong tij. Eksampol, long wik 2, ol pikinini oli faenemaot doktrin, oli luk ol pikja, mo mekem wan aktiviti we oli muvmuv we i go wetem doktrin ia.

Jisas i bin talem, “Yu kam, yu biae long mi” (Luk 18:22).

Ademap sam tingting blong yu long ol tingting we oli givim long ples ia. Mekem plan long sam wei blong ol pikinini oli faenem doktrin mo helpem olgeta blong andastanem doktrin ia mo olsem wanem blong yusum doktrin ia long laef blong olgeta. Askem yuwan, “Wanem nao bae ol pikinini oli lanem, mo olsem wanem mi save helpem olgeta blong oli filim Spirit?”

Wik 1: Oltaem nomo Jisas Kraes i bin obei long Papa long Heven.

Faenem doktrin (ridim olgeta skripja): Rere long faef pis pepa wetem ol toktok ia long wan saed blong pepa mo skripja we i go wetem long baksaed blong pepa ia: *I no olsem* (Moses 4:2); *tingting blong mi* (Luk 22:42); *be* (3 Nifae 27:13); *mekem olsem* (Jon 6:38); *tingting blong Yu nomo* (Jon 4:34). Serem ol pikinini long faef grup, mo givim wan pepa long wanwan grup. Eksplenem se evri skripja ia oli stap talem wan mesej we i kolosap semmak long wei we Jisas Kraes i bin mekem laef blong Hem. Invaetem ol tija blong helpem ol pikinini blong oli andastanem mesej blong skripja blong olgeta. Mekem wanwan grup i ripotem wanem oli bin lanem taem oli putum

pepa blong olgeta antap long bod. Invaetem olgeta blong helpem yu blong putum ol toktok ia long stret oda mo afta, ridim sentens ia tugeta.

Leftemap tingting blong oli yusum samting we oli lanem (mekem wan jen pepa): Letem ol pikinini oli givim sam wei we oli save folem eksampol blong Jisas Kraes blong stap obei long ol komanmen blong Papa long Heven. Mekem wanwan pikinini i raetem o i droem wan aedia long wan pis pepa. Joenem ol pis pepa blong mekem wan pepa jen. Poenemaot se semmak olsem we jen ia i bin gro wetem evri aksan blong stap obei, fet blong yumi i stap gro evri taem we yumi stap obei.



[Klik long ples ia blong ol pepa toktok.](#)

Faenem mo Talemaot Gud Ol Doktrin

Taem yu mekem wan aktiviti, talemaot gud doktrin we yu stap tijim. Hemia bae i helpem ol pikinini blong andastanem doktrin ia moa gud mo blong oli yusum moa gud afta.

Wik 2: Jisas Kraes i bin go olbaot, i mekem gud.

Leftemap tingting blong andastanem doktrin (lukluk mo toktok raon long olgeta pikja): Soem wan leda sus long ol pikinini (o wan pikja we i soem Jisas i werem ol sandel). Eksplenem se Jisas, we i werem ol sus olsem, i bin go olbaot mo i bin mekem gud. Raetem ol toktok ia long blakbod: “Hem i bin go olbaot mo i bin mekem gud, from God i bin stap wetem Hem” (luk long Ol Wok 10:38). Mekem ol pikinini oli ripitim sentens ia wetem yu. Soem ol pikja we i soem ol samting we i soem ol samting ia raon long rum: Jisas i blesem ol pikinini (luk long 3 Nifae 17:21–24), Jisas we i hilim

wan man we i blaen (luk long Jon 9:1–17), Jisas we i resemap gel blong Jaeros long ded (luk long Matiu 9:18–19, 23–25), mo Jisas we i fidim 5 000 man (luk long Jon 6:5–14). Askem ol pikinini blong priten se oli wetem ol sandel, mo mekem olgeta oli wokbaot i go long wan pikja. Invaetem sam narafala pikinini blong oli tokbaot wanem nao Jisas i stap mekem we oli soem long pikja ia. Invaetem olgeta blong ripitim sentens ia “Hem i bin go olbaot mo i bin mekem gud, from God i bin stap wetem Hem” bifo oli wokbaot i go long wan narafala pikja. Ripitim sentens ia wetem wanwan pikja.

Ol Wik 3 mo 4: Eksampol blong Kraes i tijim mi olsem wanem blong laef.

Leftemap tingting blong andastanem doktrin (ridim ol skripja mo singim ol singsing):

Long blakbod raetem tu (2) lis; no raetem olgeta long oda—wan lis i gat ol skripja we Jisas i givim eksampol blong yumi folem, mo wan lis blong ol singsing we i go wetem ol skripja ia. Serem ol pikinini blong ol grup. Givim wan pikja long wanwan grup we i soem ol samting we i hapen long ol skripja we yu raetem long blakbod. Talem long wanwan grup blong oli faenem se pikja blong olgeta i go wetem wanem skripja mo wanem singsing we i stap long blakbod. Mekem wan grup long wan taem i soem pikja blong olgeta, i eksplenem wanem eksampol nao Jisas i givim, mo i lidim ful Praemer i blong singim singsing we i go wetem. Tingting blong yusum olgeta samting ia:

- Boe Jisas insaed long Tempol, Luk 2:42–49, “Seek the Lord Early” (CS, 108)
- Jon Baptaes I Baptaesem Jisas, Matiu 3:13–17, “Baptism” (CS, 100–101)
- Nao, Yufala I Go, Matiu 28:19–20, “Talem se Mi Redi blong Go, Masta” (STSP, 46–47)
- Jisas I Hilim Ol Pipol blong Nifae, 3 Nifae 17:7–9, “I’ll Walk with You” (CS, 140–41)

Testifae se Jisas Kraes i wan stret eksampol ia nomo blong yumi folem.

Leftemap tingting blong andastanem doktrin (ridim wan skripja): Katemaot wan hat long wan pis pepa mo raetem ol toktok ia long hem

Lavem wanwan long yufala. Putum pepa hat ia insaed long ol skripja blong yu long Jon 13:34. Invaetem wan pikinini blong lukluk long skripja blong yu blong faenem hat ia. Eksplenem se long skripja ia Jisas i stap tijim olsem wanem Hem i wantem yumi blong mekem long ol narafala pipol. Mekem ol pikinini oli faenem Jon 13:34 long skripja blong olgetawan, mo ridim skripja ia tugeta. Tingting




blong givim wanwan pepa hat wetem skripja ia long hem long ol pikinini blong oli putum long skripja blong olgeta, mo invaetem olgeta blong serem aktiviti ia wetem famle blong olgeta.

Leftemap tingting blong oli yusum samting we oli lanem (singim wan singsing mo serem ol tingting):

Mekem ol pikinini oli sidaon raon long wan o moa long wan sekol. (Sapos i no gat spes, mekem wan laen blong pikinini oli tanem olgeta oli fesem wan narafala laen blong pikinini.) Givim long wanwan grup wan string we oli fasem tufala en blong hem, mo oli somap long wan baten. Taem oli stap singsing “Love One Another” (CS, 136), mekem ol pikinini oli pusum baten ia i go folem string ia.

Stopem miusik long eni taem mo askem pikinini (o ol pikinini) we oli holem baten ia blong serem wan wei we oli save soem lav long ol narafala. Endem aktiviti ia taem yu invaetem sam pikinini blong serem wan taem we sam narafala pipol oli bin soem lav long olgeta.




Ol help blong miusik lida

Blong helpem ol pikinini blong lanem “Come, Follow Me” (Hymns, no. 116), tingting blong mekem olgeta samting ia:

- Leftemap tingting blong ol pikinini blong folem yu taem yu stap tajem nus blong yu, sekem han blong yu, mo foldem han blong yu. Talem long olgeta se yumi save folem Jisas taem yumi mekem ol samting we hem i bin mekem. Mekem olgeta oli plei long bit blong miusik taem

oli slapem tu fingga long wan han agensem han blong narafala han taem miusik i stap plei.

- Rere long sam trak blong leg wetem ol toktok blong singsing we yu raetem long olgeta. Invaetem ol pikinini blong putum wan trak blong leg ia long blakbod afta narawan taem yu singsing mo oli ripitim sentens ia. Mekem se ol trak blong leg ia oli go kasem wan pikja blong Sevyia.



“Come follow me,”
(Kam folem mi)

the Savior said.
(Sevyia i talem)

Then let us in
(Naoia yumi)

his footsteps tread,
(wokbaot folem yu)

For thus alone
(From se yumi)

can we be one
(save kam wan)

With God’s own loved,
(Wetem Boe blong)

begotten Son.
(Hae God antap)

Klik long ples ia blong ol fut step.

Ol miusik lida oli save mekem ol pikinini oli lanem doktrin blong singsing ia taem ol narafala pikinini oli traem joenem ol toktok, miusik, mo ol pikja long maen blong olgeta. Long ol wik we oli stap kam, ol pikinini oli save karemaot ol trak blong leg ia kasem taem oli lanem singsing ia.

Jisas Kraes I Pikinini blong God, mo Hem I Wan God blong Merikel

**Wan singsing
we yu jusum long
Children's Songbook**

"From luk, mi mi God; mo mi mi wan God blong ol merikel; mo bae mi soem long wol se mi mi semak yestedei, tedei, mo blong oltaem; mo mi no wok long medel blong ol pikinini blong ol man sapos i no tru long fet blong olgeta" (2 Nifae 27:23).

Ademap sam tingting blong yu long ol tingting we oli givim long ples ia. Mekem plan long sam wei blong ol pikinini oli faenem doktrin mo helpem olgeta blong andastanem doktrin ia mo olsem wanem blong yusum doktrin ia long laef blong olgeta. Askem yuwan, "Wanem nao bae ol pikinini oli lanem, mo olsem wanem mi save helpem olgeta blong oli filim Spirit?"

Smol Tingting: Oli pikinini oli lanem samting taem oli mekem samting. Invaetem ol pikinini blong yusum ol aksen blong talem wan stori. Praktis long ol aksen ia wetem ol pikinini bifo yu talem stori. Hemia bae i givim janis long ol pikinini blong oli lisin mo tingting nomo long stori taem yu stap talem stori ia.



Wok long Ol Smol Grup

Taem yu wok long ol smol grup, bae i mekem ol pikinini oli wantem blong lanem moa samting. Long sering taem, ol pikinini oli stap sidaon finis long ol klas grup. Yu save yusum ol grup ia blong mekem ol grup aktiviti.

Wik 1: Jisas Kraes i wan God blong ol merikel.

Faenem doktrin (plei wan gem blong faenem samting): Droem eit smol laen long blakbod, wan blong wanwan leta blong toktok iaol merikel. Askem ol pikinini blong traem faenem wanem nao toktok ia. Raetem fas leta mo askem ol pikinini blong oli traem faenem wanem nao toktok ia. Raetem nambatu leta mo askem olgeta blong traem faenem wanem toktok ia. Ripititim olsem kasem taem oli faenem wanem nao toktok ia. Talem long ol pikinini se wan merikel i wan samting we i hapen we i spesel tumas mo i bin hapen tru long paoa blong God. Serem ol pikinini long ol grup. Givim wan set blong ol pepa toktok ia long wanwan grup: *ol merikel, oli soem, se, Jisas Kraes, i gat, paoa, ova, long wol.* Mekem wanwan grup oli miksim ol toktok ia.
[\(Klik long ples ia blong ol pepa toktok.\)](#)

Leftemap tingting blong andastanem doktrin (stap lisin long ol skripja stori): Wetem ol toktok blong yuwan, serem ol stori blong Jisas we i mekem strong win i kwaet (Mak 4:36–39) mo taem Hem i bin fulumap ol net wetem fis (Luk 5:1–11). Invaetem ol pikinini blong mekem ol aksen we oli go wetem ol stori ia (olsem blong mekem strong win i blo, mo ol wef blong solwota, mo blong pulum ol emti net mo ol net we oli fulap). Wetem wanwan stori, testifae olsem wanem olgeta samting ia i soem olsem wanem Jisas Kraes i gat paoa ova long wol. Mekem ol pikinini oli toktok raon long olsem wanem ol merikel ia oli bin helpem ol pipol we oli bin stap long nid.

Wik 2: Jisas Kraes i save hilim olgeta sikman.

Leftemap tingting blong andastanem doktrin (droem ol pikja): Serem ol pikinini long ol grup. Askem wan tija blong wanwan grup blong ridim o blong talem wan skripja stori we Jisas i stap hilim wan man, olsem tufala man ia we tufala i no save lukluk (Matiu 9:27–31), wan man we i nomo save muvmuv (Jon 5:1–9), olgeta ten man wetem sik leprosi (Luk 17:12–19), o boe blong wan haeman blong king (Jon 4:46–53).

Invaetem ol pikinini blong droem ol pikja we i soemaot stori ia. Yu save askem sam pikinini blong serem pikja mo stori blong olgeta wetem ful Praemer. Taem oli stap serem stori blong olgeta, invaetem olgeta blong traem talem se oli ting se ol pipol we Jisas i bin hilim olgeta oli bin filim olsem wanem. Invaetem ol pikinini blong serem ol pikja blong olgeta wetem famle blong olgeta long hom.



Wik 3: Jisas Kraes i gat paoa ova long ded.

Leftemap tingting blong andastanem doktrin (*stap lisin long ol skripja stori*): Invaetem sam memba blong wod blong yu blong kam long Praemeri mo oli kam talem ol stori ia long sot tok tok nomo olsem se olgeta nao oli bin witnesem ol samting ia we oli stap hapen long skripja; taem Jisas i resemap Lasaros long ded (Jon 11:1–45); taem Jisas i resemap gel blong Jaeros (Mak 5:21–24,

35–43); taem Jisas i resemap boe blong wan wido (Luk 7:11–16); mo Taem Jisas I Laef Bakegen long Ded (Jon 20:1–18). Ol memba blong wod oli save werem ol simpol klos blong dresap nomo, olsem wan skaf antap long hed, o wan longfala dres. Leftemap tingting blong olgeta blong testifae se Jisas Kraes i gat paoa ova long ded mo se wanwan long yumi bae i laef bakegen wan dei.

Wik 4: Ol merikel oli kam long olgeta we oli gat fet.

Faenem doktrin (*ridim wan skripja*): Raetem long blakbod luk long Doctrine and Covenants 63:9: Fet i no kam tru long ol saen. Ol saen nao oli folem olgeta we oli stap biliv. Eksplenem tok tok ia *saen*, se long skripja ia, hem i save minim tu, *ol merikel*. Mekem ol pikinini oli stanap mo oli ridim skripja ia laod tugeta. Poenem toktok ia *fet*. Eksplenem se ol merikel oli no ol bigbigfala samting we oli stap tekem ples, mo yumi mas gat fet fastaem, mo afta, bae yumi luksave ol merikel insaed long laef blong yumi. Mo tu, eksplenem se nomata we yumi gat fet, bae yumi gat yet ol harem nogud, sobodi, mo safaring, be God i save long ol nid blong yumi mo bae i lukaot gud long yumi.

Leftemap tingting blong andastanem doktrin (*lisin long ol skripja stori*): Wetem ol toktok blong yuwan, talem stori blong Moses we i bin askem King blong Ijip blong letem ol pipol blong hem i go aot long Ijip (Eksodas 7–10). Bifo yu statem stori ia, invaetem ol pikinini blong oli praktis blong mekem saon o aksen we i go wetem ol bigfala sik o trabol we i stap hapen long stori ia. Eksampol, ol pikinini oli save muvum han blong olgeta mo mekem saon blong wan reva, oli sikrasem olgeta olbaot blong ripresentem laos, oli mu olsem wan buluk, o mekem saon blong harem soa long bodi

from ol boela. Mekem ol pikinini oli lisin gud taem yu stap talem stori ia. Talem long olgeta se taem yu leftemap han blong yu bae oli save mekem saon o aksen we i ripresentem trabol we yu stap tokbaot, mo taem yu putum han i go daon, oli mas stop. Afta we yu tokbaot wanwan trabol ia, talem stori blong King blong Ijip we i stap gohed blong no wantem ol pipol oli go. King blong Ijip i bin luk plante merikel mo saen, be hem i no save biliv long God. Nao soem narasaed blong fasin ia wetem wan stori we i gat wan eksampol we fet i mekem merikel i bin hapen (eksampol, Elaeja mo wido blong Sarepat, Daniel mo ol laeon, brata blong Jared, o Nifae mo Lihae long kalabus). Sapos i gat taem, letem ol pikinini oli faenem sam aksen we oli go wetem stori ia.

Leftemap tingting blong oli yusum samting we oli lanem (*lisin long ol spesel spika*):

Invaetem wan o tu famle insaed long wod blong serem olsem wanem ol merikel oli bin blesem olgeta taem oli bin gat fet long Jisas Kraes. (Askem ol famle, bifo taem, blong mekem se oli gat inaf taem blong oli rere.) Testifae se taem yumi gat fet, bambae yumi luk ol merikel oli tekem ples insaed long laef blong yumi.



Smol Tingting: Taem ol pikinini oli serem wanem oli lanem long Praemeri wetem ol narafala, hem i mekem andastanem mo testemoni blong olgeta abaot doktrin ia i strong moa. Long wik 2, oli leftemap tingting blong olgeta blong serem long hom wanem nao oli bin lanem. Hemia i givim ol janis blong toktok raon long gospel mo bae i mekem famle i kam strong moa.

Leftemap Tingting blong Oli Andastanem Doktrin

Taem ol pikinini oli aktem ol skripja stori, oli save tingbaot mo andastanem samting moa gud.



Mi Obei long Jisas Kraes From Se Mi Lavem Hem

“Sapos yufala i lavem mi, bambae yufala i save obei long ol tok blong mi” (Jon 14:15).

Ademap sam tingting blong yu long ol tingting we oli givim long ples ia. Mekem plan long sam wei blong ol pikinini oli faenem doktrin mo helpem olgeta blong andastanem doktrin ia mo olsem wanem blong yusum doktrin ia long laef blong olgeta. Askem yuwan, “Wanem nao bae ol pikinini oli lanem, mo olsem wanem mi save helpem olgeta blong oli filim Spirit?”

Smol Tingting: Taem ol pikinini oli lanem olgeta skripja baehat, bae i helpem olgeta blong lanem ol doktrin blong gospel. Ol toktok blong skripja oli wan ples blong kamfot mo kasem givhan (luk long TNGC, 171). Long wik 1, tri samting bae i helpem ol pikinini blong oli lanem skripja baehat: fasin blong ripitim toktok, ol sot tok-tok, mo ol pikja.


Ol Wik 1 mo 2: Mi soem se mi gat lav long Jisas Kraes taem mi obei long olgeta komanmen.

Faenem doktrin (stap lanem wan skripja baehat): Blong helpem ol pikinini blong oli lanem baehat Jon 14:15, droem wan pikja blong wan hat mo wan pikja we i soem Ol Ten Komanmen. Serem ol pikinini long tu grup. Holem pikja blong hat antap long fored blong wan grup mo mekem olgeta oli talem, “Sapos yufala i lavem mi.” Holem pikja blong Ol Ten Komanmen antap long fored blong narafala grup mo mekem olgeta oli stanap mo talem, “Bambae yufala i save obei long ol tok blong mi.” Ripitim aktiviti ia plante taem. Ol pikinini we oli bigwan oli save lanem fas pat blong Jon 14:21 (“Man we i kasem gud ol tok blong mi, mo i stap obei long olgeta, man ya nao i lavem mi”) wetem sem aktiviti ia.

Leftemap tingting blong andastanem doktrin (mekem aksen blong olgeta komanmen ia): Rere long ol pis pepa wetem wan komanmen long wanwan long olgeta (olsem ridim ol skripja, dresap gud, mo obei long Tok blong Waes). Putum ol pepa insaed long wan kontena, mo mekem wanwan pikinini i jusum wan pepa mo i aktem wan wei blong obei long komanmen ia. Mekem ol narafala pikinini oli traem blong faenem wanem nao

hem i stap mekem. Singsing long “Keep the Commandments” (CS, 146–47). Taem yu stap singsing long kores blong singsing ia, mekem pikinini ia i lidim ol narafala pikinini blong aktem olsem wanem oli save obei long komanmen ia. Invaetem sam pikinini blong serem olsem wanem we taem oli obei long komanmen ia, bae i blesem olgeta.

Leftemap tingting blong oli yusum samting we oli lanem (ridim mo toktok raon long ol skripja): Soem posta ia “Ol Gospel Standet blong Mi” mo luklukbak long ol standet ia wetem ol pikinini. Eksplenem se taem yumi folem ol standet ia i soem lav we yumi gat long Jisas Kraes. Raetem wanwan skripja ia long ol defren pis pepa: Eksodas 20:7; Eksodas 20:8–10; Eksodas 20:12; Jon 13:34–35; Mosaea 18:10; mo Doctrine and Covenants 42:40–41. Serem ol pikinini long ol grup mo givim wanwan grup wan long ol skripja ia blong oli ridim. Mekem olgeta oli joenem skripja ia wetem wan long ol standet blong gospel mo toktok raon long olsem wanem oli save laef folem standet ia. Invaetem olgeta blong serem ol tingting blong olgeta wetem ful klas blong Praemeria.



[Klik long ples ia blong ol drowing.](#)

Lanem Ol Skripja Baehat

Lukluk ol pikja taem ol pikinini oli stap ripitim ol skripja bae i helpem olgeta blong lanem ol skripja ia baehat.



Wik 3: Lav we mi gat long Jisas Kraes i gro taem mi stap prea.

Leftemap tingting blong andastanem doktrin (ridim mo toktok raon long ol skripja):

Serem ol pikinini long ol smol grup. Mekem wanwan grup i ridim mo toktok raon long olgeta skripja ia, mo oli lukaotem wanem nao Sevyia i stap tijim abaot prea: 3 Nifae 18:19–20; Doctrine and Covenants 19:28, 38; 88:63–64. Talem aot gud se Sevyia i stap tijim yumi blong prea long Papa long Heven long nem blong Hem mo hemia bae i mekem yumi filim kolosap moa long Hem.

Leftemap tingting blong andastanem doktrin (kalarem wan pikja): Mekem wan kopi blong pikja long pej 19 long lesenbuk blong neseri, *Behold Your Little Ones*, blong wanwan pikinini. Letem ol pikinini oli kalarem pikja ia mo oli tekem pikja ia i gobak hom blong oli serem wetem ol famle blong olgeta.

Leftemap tingting blong andastanem mo yusum doktrin (toktok raon long topik blong prea): Singim wan singsing abaot prea we i stap

long *Children's Songbook*, olsem “A Child's Prayer” (CS, 12–13) o “We Bow Our Heads” (CS, 25). Tokbaot long ol pikinini olsem wanem nao lav blong yu long Lod i stap gro taem yu stap prea. Long blakbod, mekem wan jat we i gat fo kolom. Antap long fas kolom, raetem *Papa blong Yumi long Heven*. Antap long nambatu kolom, raetem *Talem Tangkyu long Hem from Ol Blesing*. Antap long nambatri kolom, raetem *Askem Hem from Ol Blesing*. Antap long las kolom, raetem *Long nem blong Jisas Kraes, amen*. Askem ol pikinini blong stap long klas grup blong olgeta mo oli raetem daon ol blesing we oli glad from. Afta, askem wanwan grup blong talem aot wan blesing we oli glad from, mo raetem blesing ia long namba 2 kolom. Nekiswan, askem ol pikinini blong oli tokbaot long klas grup blong olgeta ol blesing we oli save askem Papa long Heven from, mo raetem ansa blong olgeta long namba 3 kolom. Gobak bakegen long ol pat blong prea.



Oi Aktiviti blong Kala

I no evri pikinini oli laekem blong stap kala. Sam bae oli mekem wan smol mak nomo long pej. Stamba tingting biae long aktiviti blong kala i blong givim wan pikja nomo abaot lesen blong oli save holem mo gobak long hom wetem.

Smol Tingting: Mekem plan long ol sering taem blong yu blong yusum tugeta ol pikinini we oli bigwan finis mo ol smolwan. Eksampol, long wik 3, fas aktiviti bae i wok gud moa wetem ol pikinini we oli bigwan mo nambatu aktiviti bae i wok gud moa wetem ol smol pikinini.

Smol Tingting: Taem ol pikinini oli serem olsem wanem oli save yusum wan doktrin, hem i konfemem mesej ia long hat blong olgeta mo i invaetem Spirit. Afta we yu tijim doktrin, givim wan janis long ol pikinini blong oli serem olsem wanem oli save yusum doktrin ia insaed long laef blong olgeta.

Wik 4: Lav blong mi long Jisas Kraes i stap gro taem mi stadi long olgeta skripja.

Leftemap tingting blong andastanem doktrin (droem ol pikja): Talem stori blong Kraes we Hem i hilim mo blesem ol pipol we i stap long 3 Nifae 17:7, 9–12, 20–24, o invaetem ol pikinini we oli bigwan blong oli ridim long skripja. Mekem ol pikinini oli droem wan pikja we i soem wan samting we i tekem ples o i stap insaed long stori ia. Testifae long olsem wanem lav blong yu long Jisas Kraes i bin gro taem yu bin ridim ol skripja.

Leftemap tingting blong oli yusum samting we oli lanem (singim wan singsing mo toktok raon long ol skripja): Singsing long “Seek the

Lord Early” (CS, 108). Talem long ol pikinini se oli save lanem moa abaot Jisas Kraes taem oli ridim o lisen long man i ridim ol skripja. Afta, talem stori we i stap long Mak 10:13–16 abaot Jisas we i stap blesem ol pikinini. Soem wan pikja blong Jisas we i stap blesem ol smol pikinini. Mekem ol pikinini oli traem tingting long olsem wanem nao bae olgeta oli filim sapos oli bin stap long taem ia. Invaetem sam pikinini blong oli serem tingting blong olgeta. Eksplenem se oli save filim se oli stap kolosap long Sevyia taem oli stap ridim ol stori abaot Hem insaed long ol skripja.

Misin blong Jos I blong Invaetem Evriwan blong Kam long Kraes

“Yes, kam long Kraes, mo stap stret gud long hem” (Moronae 10:32).

Ademap sam tingting blong yu long ol tingting we oli givim long ples ia. Mekem plan long sam wei blong ol pikinini oli faenem doktrin mo helpem olgeta blong andastanem doktrin ia mo olsem wanem blong yusum doktrin ia long laef blong olgeta. Askem yuwan, “Wanem nao bae ol pikinini oli lanem, mo olsem wanem mi save helpem olgeta blong oli filim Spirit?”

Wik 1: Taem yumi folem profet, bambae i helpem yumi blong kam long Kraes.

Faenem doktrin (ridim wan skripja mo lukluk ol pikja): Mekem ol pikinini oli stanap mo oli ridim laod Doctrine and Covenants 1:38 tugeta. Eksplenem se ol profet oli ol wokman blong Jisas Kraes. Soem ol pikja blong Sevyu mo pikja blong profet blong tedei, mo talem long ol pikinini se taem yumi folem profet, yumi stap folem Jisas Kraes.

Leftemap tingting blong oli yusum samting we oli lanem (singim wan singsing): Singsing

long ves 9 blong “Follow the Prophet” (CS, 110–11). Serem ol pikinini long ol grup mo mekem olgeta oli jusum wan o tu samting we oli lanem aot long ol profet mo aposol we oli laef long taem blong jeneral konfrens. Mekem wan grup i aktem wanem oli bin lanem. Mekem ol narafala pikinini oli traem faenem wanem nao oli stap mekem. Ripitim sem samting wetem wanwan grup, mo singsing long kores blong singsing ia, “Follow the Prophet” taem wan grup i finis.

Wik 2: Blong serem gospel i helpem ol narafala blong kam long Kraes.

Faenem doktrin (ridim olgeta skripja): Putum pikja blong wan fultaem misinari long blakbod. Talem long ol pikinini se bae oli ridim sam skripja abaot misinari wok. Givim wok long haf blong ol pikinini blong oli ridim Matiu 28:19–20 mo narafala haf bae i ridim Doctrine and Covenants 133:37. Invaetem olgeta blong faenem wanem nao oli bin lanem abaot misinari wok long olgeta skripja ia, mo toktok raon long hem wetem ful klas blong Praemer. Askem ol pikinini we oli gat wan memba blong famle we i stap mekem wan misin blong i serem filing blong olgeta abaot misinari wok.

Leftemap tingting blong andastanem mo yusum doktrin (toktok raon long misinari wok): Mekem ol pikinini oli stanap mo oli singsing long “I Hope They Call Me on a Mission” (CS, 169). Talem long ol pikinini se Papa long Heven i wantem se oli mas prijim gospel raon long wol mo oli save rere naoia blong kam ol misinari. Long wan kontena, putum sam samting we bae i mekem ol pikinini oli tingbaot sam wei we oli save rere blong mekem wan misin; ol samting ia i gat ol skripja, ol sus blong Sandei, wan taeting slip, mo wan pepa hat. Mekem wan pikinini i jusum wan samting ia insaed long kontena, mo i serem olsem wanem nao taem oli mekem wanem samting ia i ripresentem, bae i helpem olgeta blong kam ol misinari.

Lanem Samting tru long Fasin blong Ripitim Samting

Ol pikinini oli lanem samting taem oli ripitim samting mo taem oli gat ol jalenj.

Long ples ia, ol pikinini oli ripitim skripja mo oli gat jalenj blong putum ol toktok long stret oda.

Smol Tingting: Ol pikinini bambae oli lanem samting moa gud, mo bambae oli save tingbaot blong longtaem moa taem yu presentem ol aedia wetem ol pikja mo ol narafala samting we oli save luk (luk long TNGC, 176, 182–83). Ol pikinini, olgeta oli ol gudfala pipol blong yusum mo oli ol pipol we oli save luk we oli muvmuv. Tingting blong invaetem wan fultaem misinari blong kam long Praemer, o mekem wan pikinini i dresap olsem wan misinari. Sapos i olsem bae yu no nid blong yusum wan pikja blong wan misinari.



[Klik long ples ia blong ol pepa toktok.](#)

Wik 3: Yumi kam long Kraes tru long fasin blong sakem sin taem yumi mekem wan mistek.

Faenem doktrin (ridim wan skripja): Soem wan pikja blong Jisas Kraes long blakbod. Helpem ol pikinini blong lanem baehat toktok ia “Yes, kam long Kraes, mo stap stret gud long hem” (Moronae 10:32). Raetem wanwan toktok blong skripja ia long wanwan defren pis pepa. Putum ol pis pepa ia olbaot antap long blakbod. Invaetem ol pikinini blong oli faenem skripja ia mo oli ridim wetem yu. Mekem wan pikinini i faenem fas toktok blong skripja mo putum long oda long blakbod. Ridim skripja ia bakegen, mo invaetem wan narafala pikinini blong faenem nekis toktok. Riptitim kasem taem toktok ia i stap long oda. Eksplenem long ol pikinini se blong kam long Kraes i minim blong gat fet long Hem, blong obei long ol komanmen blong Hem, blong mekem ol kavenan, mo blong sakem sin sapos yumi mekem ol mistek.

Leftemap tingting blong andastanem mo yusum doktrin (toktok raon long ol stadi eksampol): Eksplenem se from Atonmen blong Jisas Kraes, yumi save sakem sin taem yumi mekem wan mistek. Katem fo step long pepa, mo long wanwan step, raetem wan long ol pat blong fasin blong sakem sin: (1) filim sore, (2) askem fogivnes, (3) stretem rong, mo (4) nomo riptitim samting ia we i rong. Putum ol futstep ia long floa mo mekem i go kasem wan pikja blong Jisas Kraes; nao letem sam pikinini oli folem ol futstep ia. Serem ol pikinini long ol grup mo givim wanwan grup wan stadi eksampol we i tokbaot wan samting we wan pikinini i save maet nid blong sakem sin from. Eksampol, “Wan i no obei long papa mo mama blong hem, mo i kikim balong insaed long haos, mo i brekem wan samting.” Askem olgeta blong toktok raon long olsem wanem oli save yusum ol step blong fasin blong sakem sin.



[Klik long ples ia blong ol fut step.](#)

Leftemap Tingting blong Oli Yusum Doktrin

Ol pikinini oli stap lanem samting taem oli stap soem olsem wanem nao oli save yusum ol prinsipol blong gospel insaed long laef blong olgeta.

Smol Tingting: Ol stadi eksampol oli ol samting we i tru we i stap hapen long laef; mo hemia i blong helpem ol pikinini blong tingbaot mo toktok raon long wanem nao oli save mekem long ol taem we i semmak (luk long wik 3). Ol stadi eksampol oli save help blong soem olsem wanem blong yusum ol gospel prinsipol (luk long TNGC, 161–62).



Smol Tingting: “Taem yumi stap soemaot lav long olgeta we yumi stap tijim olgeta, bambae oli [mo yumi tu] i save lisen moa long Spirit” (TNGC, 31). Yu save mekem lav blong yu long ol pikinini i kam bigwan moa taem yu stap prea blong olgeta, taem yu kam blong save ol intres mo ol wari blong olgeta, taem yu singaotem olgeta long nem blong olgeta, mo taem yu lisen gud long olgeta.

Wik 4: Tempol wok i helpem mi mo famle blong mi blong kam long Kraes.

Leftemap tingting blong andastanem doktrin (singim wan singsing): Tijim nambatu ves blong singsing ia, “I Love to See the Temple” (CS, 95). Soem wan pikja blong wan tempol we i haed biae long eit pis pepa. Long wanwan pis pepa ia, raetem o droem wan long olgeta samting ia: wan hat, wan doa we i open, toktok ia kavenan, toktok ia obei, ol toktok ia tabu ples, toktok ia sil, wan pikja blong wan pikinini, mo wan pikja blong wan famle. Talem long ol pikinini se ol pikja ia oli givim sam tingting abaot wan singsing. Invaetem olgeta blong lisen gud taem yu stap singsing wan laen blong singsing ia. Askem olgeta wanem tingting we i stap long pepa ia we i go wetem laen we yu stap singsing; afta askem wan pikinini blong tekemaot pepa ia. Singsing long laen ia bakegen wetem ol pikinini mo eksplenem se laen

ia i minim wanem. Yu save invaetem olgeta blong mekem wan aksen we i folem laen ia. Riptitim wanwan laen blong singsing ia. Taem yu tekemaot evri pis pepa we i kavremap pikja, singsing long ful singsing wetem ol aksen. Talem long ol pikinini se oli save rere naoia blong oli stap klin inaf blong go long tempol taem oli bigwan; mo taem bae oli mekem olsem, bae i mekem olgeta i kam kolosap moa long Jisas Kraes.



[Klik long ples ia blong ol art wok.](#)

Taem Yumi Givim Seves long Ol Narafala Man, Yumi Stap Givim Seves long God

“Taem we yufala i stap wok blong ol narafala man, yufala i stap mekem wok blong God blong yufala nomo” (Mosaea 2:17).

Ademap sam tingting blong yu long ol tingting we oli givim long ples ia. Mekem plan long sam wei blong ol pikinini oli faenem doktrin mo helpem olgeta blong andastanem doktrin ia mo olsem wanem blong yusum doktrin ia long laef blong olgeta. Askem yuwan, “Wanem nao bae ol pikinini oli lanem, mo olsem wanem mi save helpem olgeta blong oli filim Spirit?”

Smol Tingting: Bae i gat nid blong jenisim ol skripja stori i go folem yia blong ol pikinini. Taem yu tijim stori blong gudfala man Sameria long wik 1, hem i impoten blong eksplenem se sapos wan strenja (man we oli no save hem) i nidim help o i askem help, pikinini i mas askem help blong wan bigman o bigwoman we hem i trastem fastaem, be i no blong hemwan nomo i givhan long tingting blong hem.

Ol Wik 1 mo 2: Jisas Kraes i bin tijim yumi olsem wanem blong givhan long ol narafala man.

Leftemap tingting blong andastanem doktrin (tekempat long wan drama): Talem long ol pikinini se wan dei, wan man i bin askem Jisas, “Huia i neiba blong mi?” Jisas i ansa long hem, i storian long wan stori we i stap tijim yumi olsem wanem blong givhan long ol narafala man. Invaetem sam pikinini blong oli werem ol simpol klos blong ripresentem ol pipol insaed long parabol blong gudfala man Sameria: wan man we i travel, sam stilman, wan pris, wan man Livae, wan man Sameria, mo man blong hotel. Talem stori ia long toktok blong yuwan (luk long Luk 10:30–37) mo afta, helpem ol pikinini blong oli aktem stori ia. Askem ol pikinini: “Stori ia i stap tijim wanem long yumi abaot huia ol neiba blong yumi? Huia nao yumi sud givhan long olgeta? Poenemaot se ol neiba blong yumi, hem i eni man nomo we i nidim help. Eksplenem long ol pikinini se oli save givhan long ol fren mo ol memba blong famle blong olgeta evri taem, be oli sud givhan long ol pipol we oli no save olgeta sapos nomo oli stap wetem papa o mama blong olgeta, o wan narafala bigman o bigwoman. Testifae se

Jisas Kraes i lavem evriwan mo i wantem yumi blong givhan long evriwan.

Leftemap tingting blong oli yusum samting we oli lanem (mekem plan blong famle i givim seves): Talem long ol pikinini se Jisas i wantem yumi blong givhan long ol narafala man, hemia ol memba blong famle blong yumi tu. Katemaot ol smol raon pepa mo givim sam long wanwan pikinini. Mekem olgeta oli droem wan fes we i smael long wanwan blong mekem wan “Smael Seves.” Leftemap tingting blong ol pikinini blong mekem ol smol aksen blong seves long ol memba blong famle blong olgeta long wik we i stap kam. Brenstom (givim tingting) tugeta blong faenemaot wanem smol wok oli save mekem (olsem raetem wan kaen toktok long wan pepa, pikimap ol pleiplei, o mekem bed). Mekem ol pikinini oli livim wan “Smael Seves” long ples we oli mekem seves long hem. Leftemap tingting blong ol pikinini blong rere blong serem wetem Praemer i long nekis wik olsem wanem nao seves blong olgeta i mekem ol memba blong famle blong olgeta oli smael.



Leftemap tingting blong andastanem mo yusum doktrin (mekem ripot long seves): Invaetem ol pikinini blong talem bakegen stori blong gudfala man Sameria wetem toktok blong olgeta wan. Yusum ol sem dresap we yu bin yusum long wik bifo blong helpem

Gat Wan Pikja long Maen Abaot Ol Skripja Stori

Ol simpol dresap we oli mekem wetem ol samting we yumi yusum evri dei bae i save mekem ol pikinini oli gat wan pikja blong skripja stori.

Smol Tingting:

Sering taem i save givim janis blong sapotem Fet long God program. Seves aktiviti long ol wik 1 mo 2 bae i givhan blong komplitim ol gol we oli stap long ol pej 8–9 blong ol gaedbuk blong Fet long God.



olgeta blong tingbaot stori ia. Afta, givim wan janis long ol pikinini blong oli ripot bak abaot ol “Smael Seves” blong olgeta long las wik. Wan wei blong mekem hemia i blong mekem wan wil olsem hemia we oli soem long ples ia, wetem lis blong wanwan klas blong Praemeri i stap long hem. Spinim wil mo invaetem wan o tu pikinini long klas we wil i

soem blong oli ripot bak long saed blong seves blong olgeta, mo olsem wanem nao seves ia i bin help blong mekem ol narafala oli hapi. Ripitim aktiviti ia sapos i gat taem.



Luklukbak long Doktrin

Blong luklukbak long ol doktrin long wan wei we i mekem ol pikinini i pleiplei bae i helpem ol pikinini blong oli tingbaot wanem nao oli bin lanem.

Wik 3: Taem mi givhan long famle blong mi, mi givhan long God.

Faenem doktrin (stap lanem wan skripja baehat): Raetem “Taem we yufala i stap wok blong ol narafala man, yufala i stap mekem wok blong God blong yufala nomo” (Mosaea 2:17) long blakbod mo toktok raon long mining blong hem. Helpem ol pikinini blong oli lanem skripja ia bae-hat mo serem skripja ia long tu pat. Mekem wan haf blong ol pikinini i talem fas pat, (“Taem we yufala i stap wok blong ol narafala man”) mo narafala haf i talem nambatu pat blong hem (“yufala i stap mekem wok blong God blong yufala nomo”). Ripitim hemia plante taem.

Leftemap tingting blong andastanem doktrin (singim wan singsing): Singsing long “When We’re Helping” (CS, 198), mo riplesem toktok ia serving wetem toktok ia helping. Ripitim singsing ia, mo riplesem mother wetem ol narafala memba blong famle, (eksampol, papa, brata, mo sista). Invaetem ol pikinini blong oli aktem wan seves

wetem ol papet; bae oli aktem abaot wan seves we oli save mekem blong wan memba blong famle taem oli stap singsing. Mekem ol pikinini oli tingbaot se taem yumi stap givhan long ol narafala man, yumi stap givhan long God nomo.

Leftemap tingting blong oli yusum samting we oli lanem (toktok raon long ol janis blong save givhan): Droem wan klok long blakbod. Serem ol pikinini long ol grup mo givim wan defren taem blong dei long wanwan grup. Talem long ol pikinini se oli save givhan long famle blong olgeta long eni taem long dei. Talem long ol pikinini, “Tik tok, tik tok, i taem blong givhan long ____ klok!” Invaetem grup we i kasem taem ia blong hem i stanap, mo givim taem long olgeta blong oli serem wan wei we oli save givim seves long famle blong olgeta long taem blong dei ia. Ripitim hemia kasem taem evri grup oli gat wan taem blong toktok.

Smol Tingting: Mekem ol pikinini oli tekem pat long ol defren wei we bae i mekem fasin blong lanem samting i gud. Traem yusum ol defren fasin blong seraotem ol pikinini, olsem serem olgeta mo putum ol boe mo gel long wanwan grup, o serem olgeta folem kala blong klos we oli werem, o folem betdei blong olgeta we i stap long fas haf mo seken haf blong yia.

Wik 4: Taem mi givhan long ol neiba blong mi, mi stap givhan long God.

Leftemap tingting blong andastanem doktrin (luksave ol eksampol blong janis blong givim seves): Mekem wan lida blong Praemeri i kam long rum mo i akt olsem se hem i harem nogud mo man i save luksave nomo se hem i nidim help. Eksampol, hem i save kam insaed mo mekem samting we hem i stap holem i foldaon, i tekem tumas samting, o i stap traem blong mekem wan bebi i stop blong krae. Mekem ol pikinini oli givim sam wei we oli save yusum “ol han blong help” blong olgeta blong givhan long hem. Mekem ol pikinini oli tingbaot se long stori blong gudfala man Sameria, Jisas i bin tijim yumi blong givhan long ol narafala. Soem sam pikja blong sam pikinini we oli nidim help. Tingting blong yusum ol pikja we oli stap long ol pikja paket blong ol Praemeri lesenbuk. Invaetem ol pikinini blong serem olsem wanem oli givhan long ol situesen ia. Ripitim fas haf blong Mosaea 2:17, mo mekem ol pikinini oli ripitim nambatu haf blong skripja ia.

Leftemap tingting blong andastanem doktrin (mekem plan blong mekem wan seves blong ol neiba): Mekem ol pikinini oli droem han blong olgeta long wan pepa mo raetem antap long “ol han blong help” blong olgeta, wan wei we famle

blong olgeta i save givhan long ol neiba blong olgeta. Leftemap tingting blong mekem seves ia wetem famle blong olgeta samtaem long wik ia. Soem ol han ia long notis bod o wan wol blong haos we ol pikinini oli save lukluk blong oli save tingbaot ol wei we oli save givhan.

Leftemap tingting blong andastanem mo yusum doktrin (singim wan singsing): Askem wan pikinini blong kam long fored blong rum mo i komperem han blong hem wetem han blong yu. Poenemaot se han blong hem oli moa smol long han blong yu. Askem ol kwestin olsem, “Ol bigfala han blong mi i save pikimap ol pleiplei. Ol smol han blong yu tu?” Mekem evri pikinini oli tekem pat. Mekem oli komperem han blong olgeta wetem han blong tija blong olgeta. Poenemaot se han blong olgeta oli save mekem plante kaen seves, nating we oli smol nomo. Sing sing long “I Have Two Little Hands” (CS, 272). Invaetem ol pikinini blong foldem han blong olgeta long fored blong olgeta taem oli singsing. Taem oli singsing long tokok ia hands, mekem olgeta oli leftemap tufala han blong olgeta long ea mo kwiktaem nomo oli foldem olgeta bakegen.

Mi Save Ridima blong Mi I Laef

Afta long evri testimoni we oli bin givim abaot Hem, hemia i testimoni se Profet Josef i bin givim abaot Hem: se Hem i laef! (luk long D&C 76:22).

Ademap sam tingting blong yu long ol tingting we oli givim long ples ia. Mekem plan long sam wei blong ol pikinini oli faenem doktrin mo helpem olgeta blong andastanem doktrin ia mo olsem wanem blong yusum doktrin ia long laef blong olgeta. Askem yuwan, “Wanem nao bae ol pikinini oli lanem, mo olsem wanem mi save helpem olgeta blong oli filim Spirit?”

Smol Tingting: Ol pikinini oli ansa gud long ol pikja o samting we oli save luk. Tingbaot blong yusum plante defren samting we oli save luk, wetem ol samting we oli save tajem, olsem ol droing long blak-bod, ol pepa toktok, ol displei, mo ol papet (luk long TNGC, 89–90).

Smol Tingting: Ol pikinini oli save tingbaot gud moa samting we oli bin lanem taem oli tijim samting ia bakegen long ol narafala. Tingbaot sam wei blong givim taem long olgeta blong mekem hemia long sering taem o long hom.



Wik 1: Jisas Kraes i bin kam long wol ia olsem we ol profet oli bin promisesem.

Faenem doktrin (toktok raon long ol betdei): Askem ol pikinini: “Tingbaot wan taem we yu bin selebretem betdei blong yu long wan spesel wei. Wanem nao yu bin mekem?” Givim taem long sam pikinini blong tokbaot betdei blong olgeta. Eksplenem se Papa long Heven i bin sendem ol profet blong Hem blong talem long wol, stat long stat blong wol, abaot taem ia we i moa impoten we bae wan pikinini i bon long wol ia mo bae i spesel long histri blong wol—we hem i taem Pikinini blong Hem, Jisas Kraes, bae i bon long wol ia. Eksplenem se mesej ia i impoten tumas mekem se ol profet blong Hem oli bin glad blong givim laef blong olgeta blong testifae se bae Kraes i kam. Mekem ol pikinini oli ripitit toktok ia “Jisas Kraes i bin kam long wol ia olsem we ol profet oli bin promisesem.”

Leftemap tingting blong andastanem doktrin (aktem ol skripja stori): Soem sam pikja blong sam profet we oli bin tijim se bae Jisas Kraes i kam. Serem ol pikinini long ol grup mo givim wan skripja long wanwan grup; skripja ia bae i tokbaot wan stori blong wan tijing blong wan blong ol profet ia. Mekem ol grup oli gat taem blong olgeta blong oli mekem smol drama folem ol stori ia (luk long TNGC, 165–66) mo mekem haf klas blong Praemer i faenemaot wijwan profet nao oli stap ripresentem. Long ol profet ia, i save gat King Benjamin (Mosaea 2:1, 5–7; 3:5–8), Abinadae (Mosaea 12:1, 9; 15:1–2; 17:1, 8–10), mo Samuel man blong Leman (Hileman 14:1–5; 16:1–2). Testifae se Jisas Kraes i bin kam long wol mo ol profesi abaot Hem oli bin kamtru.

Wik 2: Jisas Kraes i Sevyia blong wol.

Leftemap tingting blong andastanem mo yusum doktrin (toktok raon long ol pikja mo ol samting blong yusum long lesen): Tekem fo bokis we oli kavremap olsem ol presen. Insaed long wanwan bokis i mas gat wan pikja o wan samting we i ripresentem wan long ol samting ia we i bin hapen, mo i mas gat wan pepa we i eksplenem ol blesing o presen we samting ia o pikja ia i ripresentem:

- Samting we i hapen: Jisas i bon; presen: “Papa long Heven i bin givim Wan Pikinini Ia nomo blong Hem blong i kam Sevyia blong yumi.”
- Samting we i hapen: Toktok antap long hil; presen: “Jisas Kraes i tijim yumi olsem wanem blong gat wan stret mo gud laef.”
- Samting we i hapen: Jisas i stap prea long Getsemane; presen: “Jisas Kraes i mekem i posibol blong yumi save stap sef aot long sin.”

- Samting we i hapen: Laef Bakegen long Ded; presen: “Jisas Kraes i mekem i posibol blong yumi laef bakegen long ded.”

Mekem ol defren pikinini oli openem wanwan bokis presen, mo toktok raon long olsem wanem wanwan long ol presen ia oli givim blesing long yumi.

Leftemap tingting blong oli yusum samting we oli lanem (raeting o droing): Toktok raon long ol wei we yumi save givim ol presen i go long Sevyia taem yumi givhan long ol narawan mo yumi soem lav long olgeta (luk long Matiu 25:40). Givim wan pepa long wanwan pikinini mo invaetem olgeta blong raetem o droem wan presen we bae oli wantem givim long Sevyia. Afta, mekem olgeta oli foldem pepa long haf mo oli deketem aotsaed blong pepa ia olsem wan presen.

Wik 3: Jisas Kraes bae i kambak long wol ia wan dei.

Leftemap tingting blong andastanem doktrin (*ridim olgeta skripja mo mekem rol plei*): Talem long ol pikinini se bae oli mekem wan bigfala nius ripot se Jisas Kraes bae i kambak long wol ia wan dei. Jusum tu pikinini we bae oli ripresentem ol TV o niuspepa junalis, mo tufala bae i askem sam kwestin long klas. Givim wan o tu kwestin we i stap daon ia long wanwan klas, mo givim sam minit long olgeta blong oli rere: Wanem nao sam saen blong Seken Kaming blong Jisas Kraes? (Joseph Smith—Matiu 1:28–29); Olsem wanem nao bae Hem i kam? (Matiu 24:29–31); Weataem nao bae Hem i kam? (Matiu 24:36, 42, 44); Wanem bae i hapen long ol stret mo gud pipol taem bae Hem i kam? (D&C 88:96–97); Bae gavman i olsem wanem afta we bae Hem i kam? (Ol

Toktok blong Bilif 1:10; D&C 29:11; 45:58–59); Ol animol bae oli olsem wanem afta we bae Hem i kam? (Aesea 11:6–9; Hosea 2:18). Mekem tufala pikinini we oli aktem olsem ol junalis oli gat wanwan taem blong askem ol kwestin, mo mekem wanwan grup oli ansa.

Leftemap tingting blong oli yusum samting we oli lanem (*toktok raon mo singsing raon long topik*): Wetem ol pikinini, toktok raon long ol wei we yumi save rere blong Jisas i kambak ba-kegen. Talemaot gud se sapos yumi laef long stret mo gud fasin, yumi no nid blong fraet. Invaetem olgeta blong toktok raon long topik ia wetem papa mo mama blong olgeta long hom. Singsing long “Mi Save God I Laef” (STSP, 59).

Wik 4: Mi save laef wetem Jisas Kraes bakegen.

Leftemap tingting blong andastanem doktrin (*tekempat long wan aktiviti we i gat aksen*): Bifo Praemeri i stat, fasem sam pepa ston blong wokbaot long hem long ol leg blong ol jea; raetem ol toktok ia long wanwan pepa ia: baptaes, konfemesen, prea, famle haos naet, tekem sakramen, go long jos, mo tempol mared. Putum wan pikja blong wol long wan en blong rum mo wan pikja blong Kraes long narafala en blong rum. Askem wan pikinini blong traem jiam long pikja i go long narafala pikja. Eksplenem se i gat ol step we yumi mas mekem blong save laef bakegen wetem Jisas mo Papa long Heven. Mekem ol pikinini oli lukluk sapos oli gat wan ston pepa we i fas long leg blo ng jea blong olgeta. Invaetem olgeta wetem ston pepa ia blong kam long fored wan afta wan mo talem long klas olsem wanem nao taem oli mekem aksen we i stap long pepa ston blong olgeta bae i mekem oli kam kolosap moa long Kraes. Putum pepa ston ia long flo bitwin tufala pikja. Gohed kasem taem ol pepa ston ia oli stap olsem wan rod we i krosem rum. Invaetem wan pikinini blong wokbaot stat long wan pikja blong wol i go kasem pikja blong Sevy, mo hem i wokbaot nomo long ol pepa ston ia. Leftemap tingting blong ol pikinini blong mekem wanem we i rael oltaem, blong mekem se oli save stap long rod blong gobak laef wetem Jisas Kraes bakegen.

Leftemap tingting blong oli yusum samting we oli lanem (*droing o kala*): Mekem ol pikinini oli droem leg blong olgeta long ol defren pis pepa mo raetem o droem wan step we oli save tekem blong laef wetem Jisas Kraes bakegen. Mekem hem we i plei piano i plei sloslo long

“I Will Follow God’s Plan” (CS, 164–65) taem oli stap kala. Leftemap tingting blong ol pikinini blong tekem ol droing blong olgeta i gobak hom mo oli serem wetem famle blong olgeta.



[Klik long ples ia blong ol ston blong stanap long hem.](#)

Smol Tingting: Mekem plan blong ol sering taem blong yu oli mekem se ol bigfala pikinini mo ol smol pikinini oli tekem pat insaed. Eksampol, fas aktiviti blong wik 3, bae i wok gud wetem ol bigfala pikinini. Mekem plan blong gat sam wei blong putum aktiviti ia i kam long level blong ol yangfala pikinini.

Smol Tingting: Blong soem lav blong yu long olgeta we yu stap tijim, givim ol gud toktok we i kam long hat blong yu we i talem stret wanem nao wan pikinini i bin mekem. Eksampol, yu save talem, “Tangkyu blong serem stori abaot famle blong yu,” be i no blong givim wan toktok we i open olsem “gud wok” o “tangkyu.”

Oi Aktiviti blong Muvmuw we I Gat Mining

Ol pikinini oli lanem samting taem oli tekem pat long ol aktiviti we i gat mining. Long aktiviti ia, ol pikinini oli tekem ol step we oli ripresentem ol samting oli save mekem blong kam kolosap moa long Kraes. Tingbaot sam wei blong yusum plante pikinini.



Smol Tingting: Miusik i save helpem ol pikinini blong oli stap kwaet mo oli rere blong lisin mo lanem samting. Eksam pol, yu save leftemap han blong yu antap mo talem long ol pikinini blong luklukgud long han blong yu taem oli singsing. Talem long olgeta we taem yu putum han blong yu i kam daon, oli sud singsing moa kwaet o moa slo. Talem tangkyu long olgeta from oli bin stap revren.

Smol Tingting: Yu no nid blong yu wan gud man o woman blong miusik, o gat wan naesfala voes blong mekem se singsing i naes mo i gat mining long Praemer i.

Olsem Wanem blong Yusum Miusik long Praemer i

Stamba tingting blong miusik insaed long Praemer i blong tijim gospel blong Jisas Kraes long ol pikinini. Ol singsing blong Praemer i oli mekem fasin blong lanem gospel i moa gud, i invaetem Spirit, mo i mekem ples i kwaet mo i stret blong lanem samting.

Yusum miusik bifo long klas blong mekem ples i kwaet mo blong invaetem Spirit

Miusik bifo long klas i mekem ples i kwaet mo i helpem ol pikinini blong oli rere blong lanem gospel. Mekem miusik i plei taem ol pikinini oli stap kam insaed long klas.

Invaetem ol pikinini blong tekem pat long miusik bifo long klas taem oli singsing wetem miusik taem ol narafalawan oli stap kam yet long Praemer i rum. Eksam pol, yu save holem han blong yu antap, mo talem long ol pikinini se taem han blong yu i open

oli sud singsing kwaet nomo, mo taem yu sarem han blong yu, bae oli hamsing nomo wetem miusik. Long miusik bifo long klas, plei long wan singsing we oli pikinini oli stap lanem; hemia i save helpem olgeta blong kam blong save gud miusik blong singsing ia. Faenem singsing ia, mo hamsing long miusik ia blong olgeta. Afta, askem olgeta blong hamsing long miusik ia wetem yu.



Miusik i save mekem ol pikinini oli tekpat long stret taem we oli kam insaed long Praemer i.

Yusum miusik blong tijim ol prinsipol blong gospel

Helpem ol pikinini blong oli andastanem se oli no stap lanem wan singsing nomo be oli stap lanem wan prinsipol blong gospel tu (luk long CS, iii). Askem ol kwestin o helpem olgeta blong tingting nomo long prinsipol we oli stap tijim long singsing tru long wan simpol aktiviti olsem blong kaontem hamas taem oli singsing long wan toktok o wan sentens (luk long ol help blong miusik lida blong manis Febwari).

Ol pikinini oli stap testifae taem oli singsing (luk long Jenuware, wik 1). Mekem ol pikinini oli tingbaot blong sidaon stret mo singsing wetem bes voes blong olgeta. Talem ol gud toktok long olgeta mo talem tangkyu long olgeta taem oli singsing gud.



Praktis long Hom

Blong tijim gud wan singsing, yu mas save gud singsing ia yuwan. Praktis long hom, blong mekem se taem yu tijim ol pikinini, yu save lukluk olgeta, be yu no stap lukluk buk.

Olsem wanem blong tijim wan singsing

Taem yu stap mekem plan blong olsem wanem blong tijim wan singsing, askem ol kwestin ia long yuwan: Olsem wanem nao bae mi save pulum tingting blong ol pikinini? Wanem kwestin mi save askem blong helpem ol pikinini blong andastanem mesej blong gospel we i stap long singsing? Wanem testimoni nao mi save givim long ol pikinini we bae i mekem olgeta oli strong moa? (Luk long CS, 300.)

Oltaem, yu mas singsing ol toktok blong wan niu singsing long ol pikinini—be yu no ridim o mekem olgeta oli ripitim nomo. Hemia i helpem olgeta blong joenem miusik i go long ol toktok. Ol pikinini

oli lanem wan singsing taem oli harem mo oli singsing, mo singsing bakegen long singsing ia. Oli no nidim blong ridim ol toktok blong singsing blong lanem wan singsing. Eksampol, yu save invaetem ol pikinini blong oli eko long toktok blong yu. Tajem sorae blong yu mo mekem ol pikinini oli lisin long wan sot sentens o wan laen taem yu stap singsing. Afta, mekem saen long olgeta taem i taem blong olgeta blong singsing long sem laen ia i kambak long yu. Singsing tu laen olsem, mo afta, ripitim ol laen ia kasem taem ol pikinini oli save gud long tufala laen ia. Ripitim tufala nekis laen (mo ol nekis tu laen, i go, i go olsem) kasem taem oli lanem ful singsing.

Luklukbak long ol singsing blong lanem samting mo tu blong pleiplei

Mekem ol pikinini oli jusum ol singsing blong luklukbak long olgeta. Eksampol, givim wan pepa hat long wanwan pikinini, mo askem olgeta blong raetem nem blong olgeta mo singsing we oli laekem tumas long Praemer. Putum ol hat ia insaed long wan kontena we yu singaotem “Ol

Singsing blong Hat,” mo mekem ol pikinini oli jusum sam singsing blong singsing long olgeta. Talem long ol pikinini se ol singsing blong Praemer oli wan ples blong kamfot, blong givhan, mo insperesen; mo yumi save singsing long ol singsing ia oltaem mo long eni ples.

Yusum miusik mo blong mekem ol pikinini oli tekpat mo givim sam stret aksen we i go wetem

Taem yu yusum ol aksen taem oli singsing, i save helpem ol pikinini blong lanem singsing moa kwik. Hem i save mekem tu se oli lisin. Mekemsua se ol aksen we yu yusum wetem ol tabu singsing oli stret long singsing ia. Ol simpol aksen wetem han long ol ki toktok o sentens i stret long eni singsing (luk long ol help blong miusik lida blong manis Jenuware). Eksampol, taem yu singsing “I Feel My Savior’s Love” (CS, 74–75), talem long ol pikinini se evri taem oli singsing long toktok ia *love* oli sud putum han blong olgeta antap long hat blong olgeta.

I gat sam gud pleiplei aktiviti wetem singsing we i stap long *Children’s Songbook*. Gat gud taem wetem

olgeta, mo ol pikinini tu bae oli gat gud taem. Eksampol:

- Singsing long “Head, Shoulders, Knees, and Toes” (CS, 275) wetem ol pikinini long wan gud spid, mo afta givim jalenj long olgeta blong oli folem yu taem yu singsing long singsing ia kwik, kwik moa.
- Singsing long “I Hope They Call Me on a Mission” (CS, 169). Invaetem ol yangala pikinini blong oli mekem se oli stap ron long hos mo oli tekem wan Buk blong Momon i go long ol pipol we oli stap longwe. (Oli save mekem tu se oli stap flae long eaplen, o stap ron long tren we i jiam jiam.)

Plan blong Mi blong Tijim Wan Singsing

Save Singsing Ia:
Praktis, Praktis, Praktis

Askem yuwan:

1. Olsem wanem bae mi save pulum tingting blong ol pikinini?
2. Wanem kwestin bae mi save askem blong helpem ol pikinini blong andastanem mesej blong gospel we i stap long singsing?
3. Wanem testimoni mi save givim long ol pikinini we bae i mekem olgeta oli strong moa?



Smol Tingting: Taem yu yusum gud miusik, bae hem i save invaetem *Spirit*. Taem yufala i finis blong singim wan singsing, mekem ol pikinini oli ting-baot se taem oli filim lav mo pis, Tabu *Spirit* i stap helpem olgeta blong luk-save trutok.

I Tru, Sevyia I Lavem Mi

Revren ♩ = 120-132

long Temi Jepson Krima mo Derina Bel

1. Long wan taem bi - fo long wan
2. Nao - ia mi stap long wan

naes - fa - la ples, Pi - ki - ni - ni rao - nem Ji - sas.
naes - fa - la ples, La - nem ol ti - jing blong Ji - sas.

I ble - sem mo tij taem lav i stap raon. Wan-wan i luk Hem i
Pa - ren mo ti - ja i help so - em rod, Lae - tem rod blong mi ful

krae. Lav we Hem i fi - lim blong ol smol wan ia,
dei. — Lav blong Se - vya i ka - vre - map mi,

Hem i gat tu long mi. Mi no bin ta - jem o
Hem i bin ta - jem mi. E - vri dei laef bae mi

si - daon long Hem, Be, Ji - sas i ril long mi. _____
fo - lem Hem, — Go - bak long Pa - pa an - tap. _____

Tru, Hem i laef! Bae mi

f

fo - lem we - tem fet. Mi gi - vim

hat blong mi. I tru Se - vya i la - vem mi.

mf *mp*

I tru Se - vya i la - vem mi.

rit. *p*



JOS BLONG
JISAS KRAES
 BLONG
 OL LATA-DEI SENT

Jos blong Jisas Kraes blong Ol Lata-dei Sent i pablisim

© 2009 i kam long Intellectual Reserve, Inc. Oli holem evri ræt. Oli printim long YSA. Oli letem long Inglis: 5/07
 Translesen blong 2010 Outline for Sharing Time and the Children's Sacrament Meeting Presentation. Bislama. 04763 852

Abaot Ol Pikja: Kova long fored: *Lav la we I Stret Evriwan*, i kam long Del Parson, © Del Parson. Pej 3: *Jon Baptaes I Baptaesem Jisas*, i kam long Hari Andeson, © IRI; *Kraes mo Ol Pikinini blong Buk blong Momon*, i kam long Del Parson, © 1995 Del Parson; *Fas Visen*, i kam long Gary Kap, © Gary Kap—no mekem kopi.
 Pej 9: *The Desires of My Heart*, i kam long Walter Rane, courtesy Church History Museum. Pej 14: *Jisas I Hilim Man we I Blaen*, i kam long Karl Heinrij Blok, oli yusum wetem ræt we i kam long Nasonol Histri Miusium long Frederiksbog long Hilerod, Denmak. Pej 15: *Jon Baptaes I Baptaesem Jisas*, i kam long Hari Andeson, © IRI; *Nao, Yufala I Go*, i kam long Hari Andeson, © IRI. Pej 17: *Jisas I Blesem Gel blong Jaerus*, i kam long Greg K. Olsen, © 1990. Kova long bak: *Andanit long Wing blong Hem*, i kam long Jei Braean Wod, © 2004 Jei Braean Wod.

BISLAMA

